


IMITATION
DE
JESUS-CHRIST

OE x v
279


PARIS 1453











Ccy cōmence l'istore de la passion douloureuse de nos
stre doulx sauueur & redēpteur ihūs rememoirée es sacres
& saintz mysteres de la messe. ordonnee et cōposée p le beau
pere reuetend frere oluier maillart de l'ordre des freres mi
neurs au temps quil estoit vicaire general des freres appel
lez de l'obseruace dudit ordre pour le p̄mier cours es particu
lismontaines qui fut l'an mil quatre cēs quatre vings et. x.
pour salutaire instructiō & accroissement de ferueur de deu
otion a tous ceulx & celles qui dignemēt et meritoitemēt
desirent ouir la sainte messe ou icelle celebrer

Et premierement cōment icelle a este p̄ordonnee eternelle
mēt. et ce par maniere de prologue pour exciter les coeurs
des humains a soy piteusement par cōpassiō configurer a
nostre seigneur pendāt a la croix. a quoy nous deuōs fer
mement disposer en celebrāt messe ou icelle opāt dignemēt
et salutairement

Nostre seigneur par le saint patriarche abrahā
no^r apprēt a ouir la messe deuotement. Car
il laissa son asne au pie de la montaigne avec
ses seruiteurs quant il la montoit tenant le feu
et le glaue en sa main pour sacrifier son filz ysaac q̄ por
toit le bois. Ainsi de buons laisser et oblir tout soucy ou so
licitude. euitier aussi cogitations et parolles de choses cor
porelles mondaines et temporelles & eleuer nostre coeur p
feruēt et ardent desir pensās a la vertu du bois de la croix
et mystere de la passion tresdouloureuse de nostre souuerai
n prestre le doulx iesucrist nostre redēpteur qui pour appai
ser dieu offence par le peche d'adam et cue nos premiers pa
res et de tout l'humain lignage p sa trop grande charite dōt
ppetuellemēt no^r a aymer se fit luy mesme baille pour no^r
en sacrifice ostie et oblatiō au glaue de iustice en odeur de
suauite et doulceur acceptee de toute la bienheureuse trinite
a. li.

agrement eternellement puoyât nre cheite et ruine p sa
grat misericorde no' secourât pour nous attirer et enflâmer
par le feu de charite nous sacrifiant par penitence qui est le
glaiue de iustice quant pour nous a voulu prendre et vestir
le sac de nostre humanite contenant le pris de nostre redem
ption tout hache et tranche par plus de six mille six cens
soixante six plaies en sa trespiteuse mort et passion Dou
loureuse. En ceste soy les patriarches et prophetes et
tous les peres de l'ancien testament ont eu la grace et ay
de de dieu necessaire a acquerir grace et merites et a soy gar
der de peche. Pourtant communement les saints docteurs
exposent le commencement de la messe iusques a l'euangeli
e de leurs clamours souspirs oraisons propheties et peni
tances. Ainsi lui et ses membres disent continuellement
ceste messe estre eternelle. Car ainsi que dit monseigneur
saint paul sa prestise est sempiternelle dont il peult saluer
en perpetuite. par ce disent les docteurs subtilz que le saint
sacrifice de l'autel est sacrement et sacre signe du temps pas
se rememoratif du temps present representatif du temps ad
uenir prenosticatif que les esleuz enfans de nostre seigneur
et membres de sainte esglise sont et seront a luy vniz et con
tointz par grace amour et charite au merite dicelle passion
de nostre seigneur. Pour laquelle chose bien conuenable
ment institua ce sacrement ou temps instant et prochain de
sa piteuse passion affin que en rememorant le pris de nostre
redemption apparaisse que tous ayons satisfait et paye.
Si debbons nous efforcer de nous conioindre et vnir a ce
grant prestre et a sa tresardante charite. Car en sa charite
et oblation est totallement consacre nostre sacrifice de ius
tice. Donc ie mesmerueille si en ceste consideration l'enbiêt
a l'esglise comment peult aucune estre gele de si grande froidu
re q tâtost ne soit enflâme du tout de l'ardeur de la founai

se de iesus ardante du feu du saint esperit. si en celebrât ou
oyant messe ou en recepuant dignement le saint sacrement
de l'autel lon applique son entendement. sa memoire. et sa
voulente par foy. esperance et charite a sa passion et mort
tresamere Car cest le memorial Vis et charbon de feu qui
enlumine reconforte et enflamme tous ceulx qui en vnt
de foy en purete de conscience en paix concorde et dilection
fraternelle humblement en reuerence et honneur. du tout es
leuent par deuotion leurs coeurs ainsi que se le voyent pres
sent pendant en la croix. Car toutes et quantes fois que
len vient a ceste sainte table lon doit ainsi faire comme
moration de sa mort a passion laquelle par sa tres excessiue
charite a si tresdouloureusement enduree pour satisfait de
noz pechez par ce sacrifice a iustice diuine comme se eussions
este presens

Comment icelle messe fut commencee
eternellement a este en son ame continuee
spirituellement

Le filz de dieu en tant que dieu nauoit ou il peult souf
frit pour ce sest vestu de nostre sac a mortelle humanite
pour recepuoir la discipline de nostre paix et de ses playes
sombres gueris. de noz langueres et douleurs mortelles
lesquelles des l'instat de sa conception furent presentees
a sa sainte et benoiste ame remplye de plenitude de grace
sans mesure de science et verite laquelle se offrit voluntai
rement a obeit humblement au decret sentence et ordonnā
ce de toute la trinite. Et par sa trop grande charite et mise
ricorde voulut mettre sa vie pour ses amis predestines et es
leus a sauement. Durs et endurcis filz d'adam les
quelz ne amolist point si grāde benignite ne eschaufpoint
a.iii.

si grande flamme et ardeur d'amour et de charité de nostre
createur redempteur et sauveur lequel a voulu des l'instant
de sa conception commencer la messe de nostre sacrifice pour ap
paizer la iustice diuine de l'offense que par nos pechez auons
encourue. et la continua perseveramment par gemissements. des
sirs prieres et oraisons. iusques a l'article de la mort disant.
Dolor meus in conspectu meo sepet. Ma douleur est tous
iours deuant moy en mon regard de raison et entendement
pource saint Vincent et autres docteurs exposent la messe
depuis l'heure de l'incarnation ou se offrit comme dit est en
oblation hostie et sacrifice nostre grant prestre souverain
et perseuerer tousiours viuant a interceder pour nous tous
ses iours iusques a la consummation du siecle demourant
avec nous en icelluy saint sacrement de l'autel

Comment elle fut commencee sensitiuement
exterieurement et en son sacre corps paracheuee et fio
nee piteusement

Oui pourroit assez comprendre le grant miracle de ce
hault et excellent mystere. que si bienheuree ame conioin
cte en son precieux corps a la diuinite en vniue de la seconde
personne de la trinite du filz de dieu eternel. glorieuse par de
re vision delectable fruition et seure tencion de dieu. des l'in
stant de sa conception quant a la portion souveraine de rai
son apant a dieu son regard par autres regards a l'occasion
de l'offense de dieu son pere. des taches de nos ames par peche
prenoit si grant douleur et desplaisance que nul en ceste vie
mortelle iamaiz ne peult auoir de ses propres peches sem
blable combien que ceste douleur ne redondoit pas en sa sen
sualite a la sentir par experience si non quant il vouloit. Ain
si come sa beatitude ne redondoit point en sa sensualite fors
quant il le vouloit comme a la transfiguration et ailleurs

car selon saint ierome procedoient rayes lumineuses de sa
face pour cause raisonnable quant l'honneur de son pere et le
salut des ames le requeroit. Ainsi disent les docteurs contē
platifs de ses douleurs dont il eut matiere des quil fut ne
en temps d'iver froyt. en abry de tous vents sans feu envelo
pe de linge sur du fein. en la crache entre le beuf et la vache des
mourant la par quarante iours. en la fange et fiente des be
stes. a huit iours circuncis. **D** quelle douleur puis supr en
exil par sept ans en egipte et retourner a grant travail et
grant pourrete. en tant que toute sa vie na este droittemēt
que vne croix et vne messe de sacrifice a dieu pour nostre re
demption au tant que requeroit iustice diuine la rectitude de
ses vertus et la peine a laquelle nous estions par peche obli
gez. Et autant quil estoit expediēt a aciter nos coeurs a le
apmer qui estant dieu d'amour se fit homme pour doulou
reusement porter nos enfermetez. **C**e neantmoins fut con
uenable et moult raisonnable q ce quil portoit en son coeur
des le ventre de sa tresdigne mere par signes sensibles le re
uelast a ses loyaux et ames apostres. **A**usquels il auoit re
uele sa gloire en la resurrecciō de la fille de iaphus prince de
la sinagogue et de sa transfiguration qui furent saints pi
eres saint lehan et son frere saint laques le maior laisse a
les autres en l'entree du lardin les print a luy tenir compai
gnie. **L**ors commenca estre triste auoit angoisse se spaourir
et ennuyer. **E**t icy proprement commēca l'introite de la grāt
messe a note a redundāta la sensualite la douleur de sa mort
et amere passion.

Comēt la messe de la passiō du souverain prestre et ai
gneau de dieu ihūcrist nre redēpeur fut sōnee trois fois.

Ainsi q le sō cure se dispose a dire deuotement sa messe
de proisse. a quāt il doit ql est tēps fait signe au secre
tal ql sōne le prier a puis va a ses necessitez a reuiēt quant
a. iiii

Il est temps de sonner le second et quant lon le voit lon son
ne le darin et q lon se expédie. Ainsi a fait nostre souverain
prestre car apres quil se estoit dispose depuis linstant de sa co
ception de plus en plus conformement a lordonnance et dis
uine et prouidence de dieu son pere voyant le temps deter
mine que lagneau pascal debuioit estre quis le premier iour
de mars fit vng signe sy merueilleux en resuscitant le lazare
frere de la magdalene et de marthe. que enuie fist sonner la
grosse cloche caphas. Expedit nobis. et cetetera Il vous est
expedient que vng meure pour le peuple. des lors determina
rent de le mettre a mort Si sen ala en effren avec ses disci
ples Et quant le dixiesme iour du mois saprocha ouquel le
dit agneau debuioit estre mis en la maison retourna le .ix.
en bethanie et la luy firent vng grant conui et le lazare y
estoit assis Et ainsi que dit saint augustin racontoit de lau
tre monde des peines denfer et de lattente des saints peres
du limbe. Et entre les aultres choses demanda a nostre sei
gneur sil lui faillloit encores mourir vne aultre fois. Et il
luy respondit. Mourir conuient. Si deuint si mort et si tris
te que oncques puis ne rist tant quil vesquit en ce monde.
Illec la magdalene espandit loignement sur le chief de no
stre seigneur et descendit iusques aux pies lesquelz incontis
nent oignit dont iudas emeu de couuoitise fist murmurer au
cuns de la compaignie disant. Quelle perdition Cest ois
nement eust bien este vendu troyz cens deniers pour don
ner aux pources adde nostre seigneur leur dist Laissez la cest
a dire ne la vueilles inquieter. Car elle a fait en moy vne
bone oeuvre. Elle a preuenu oindre mon corps en sepulture
et par tout le monde ou sera presche cest euangile il sera dit
que elle aura fait en memoire de ce. Lors plusieurs de la
cite de iherusalem vindrent en bethanie pour voir non seule
ment le douls iesus mais aussi le lazare resuscite. Ainsi fu

rent animes iudas et les iulz par auarice & enuie a sonner
Maisire seuruiut le .x. iour dessus dit quant l'aigneau se cē
dit a la maison de son pere et par zele de iustice chassa les
vendeurs de beufz de ouailles et de columbes & reuersa les
tables des chāgeurs et les getta dehors du temple Et tout
pcelluy iour et le lundy et le mardi ne cessa point a batailler
pour iustice et ayma mieulx mourir dit le scot docteur sub
til que taire verite. Dequoy ilz conceurent telle hayne que
le mecredi s'assemblerent tous pour sonner durant laquelle
le sonnerie le piteux aigneau demoura o sa tresdigne mere
en bethanie maison de obedience. Adonc enuie et ire disoy
ent que lon laissast passer la feste de paou r de commotion
de peuple. Mais couuoitise fist sonner iudas et tous con
corderent a sa traison en luy pmettant trente deniers. Et
menoiēt grant ioye de venir ainsi a leur mauldicte inten
cion puis attendit nostre souuerain prestre sachant leure q̄l
debuoit passer de ce monde a dieu son pere le ieu di au despre
apres quil eut menge avecques ses disciples l'aigneau pas
cal selō l'ordonnance de la vieille loy. et l'auē les piedz de sō
traistre. et de tous ses apostres et quil eut institue le saint
sacremēt de lautel. leur prenūcia que l'un d'eulx le debuoit
trahir et liurer auquel finalement bailla vne bouchee ou
morceau de pain trempē. Et lors sathanas print poession
de luy. et ne scauoit contenance Parquoy voyant le bening
aigneau son obstination luy dist quil alast sonner le dācin
son en luy disāt. Ce que tu fais fay le plus tost. lequel tan
tost sen partit Et ia estoit nuyct & ala tres hastiuermēt ches
capphe Et adonc toutes les cloches deuie dire dauarice de
traison trōperie fraude cautelle et de toute iniquite confusi
blement sonnoient que l'un a pou nentendoit lautre tant
y auoit de bruit et de tumulte Pourtant ces iours de la pas
sion lon appelle le monde avecq̄s le traquet Les vngs que

toient les armentes les autres habilloient les gens sans
mes. les uns querioient bastons. les autres se portuioient
de fallotz torches et lanternes

¶ Des ornemens de nostre souverain prestre
iesucrist

Nostre bon prestre incontinent que iudas fust parti ba
dire a ses clers et monstra ses clers quil auoit bestus
a la secretainerie ou reuetiaire du ventre virginal de sa tres
digne mere en disant maintenant est clarifie le filz de la vier
ge quant le filz de tenebres de perdition est hors dicy. En sans
encore ung pou sups avecques vous iay les chausses de
mortalite croyes en dieu et croyes en moy. Jay lamyct
qui couure ma diuinite. Je suis la voye verite et vie bestu
de laude de purete et de innocence. Je suis en mon pere et vo
en moy et moy en vous saint de la sainture doi de charite en
qui tout bien reluit. Nostre coeur ne soit trouble ne ne crai
gues point car iay le fanon de force cõtre tous ennemis Le
prince du monde na rien en moy. Mais ainsi que mon pe
re ma donne commandement ainsi le metz a execution por
tant lestolle de obedience iusq̃ a la mort de la croix. Je suis
la vraie vigne et vous estes les rameaux et branches de
celle Car iay la chasuble de plenitude de grace redundant
en toute lesglise ainsi que fait le chief aux membres Et sans
moy et ma grace vous ne pouez rien faire qui baille metis
toirement a saulement

¶ Le asperges dicelle messe

Ainsi bestu et orne graces dictees sen issirent en la mon
tagne doluet. en leur faisat lasperges de plours et
de larmes avecques oraison. Demandes dist il a mon pere
en mon nom Car il vous ayne pourtāt que vous maues
ayne. Mais fist son interbo. et dist son indica de discretion
en disant Je suis yssa de mon pere et venu au monde. de

chief laisse le monde et men vois a mon pere. Et ses disciples lui respondoyent. A no^s maintenant en appert tu parles et ne dis aucun prouerbe. nous scauons que tu sces toutes choses et ne test point de necessite que aucun te interroque. En ce croions que de dieu es yssu. Il leur respondit Maintenant vous le croyes.

Comment il dist le confiteor

Lors dist le confiteor faisant confession generale non pas de ses pechez qui estoit tout pur et innocent mais de ses membres quant adonc leur dist Dees cy leur venue que tous vous seres scandalizes en moy en ceste nuyt. Et a saint pierre dist en particulier Simo sathan se dispose de te cribler comme on cible le fourment. si leur dist en lieu de mea culpa. Il est escript en zach. Je frapperay le pasteur et les ouailles du berger serot dispersees. Ideo deprecor. mais iay prie pour toy disoit il singulierement a sainte pierre que ta foy ne defaille point. Ad ce respondit saint pierre et sebla blement to^s les autres et disoient nompas par forme de confession de soy accuser de leurs deffaulx mais de presumptiō de leur force et vertu. sire ie suis prest daler pour toy en chartre a mesmes a la mort et si tous estoiet en toy scandalizes iamais ne seray en toy scandalize. Pour mea culpa sup dist le doulx ihesus voulant reprimer son audace. Sans faulte ie te dis. Auant que le cog chante d'ux fois tu me regniras trois fois. Et pour ideo deprecor saint pierre parloit plus hardiement disant. Et si il me faillloit semblablement mourir avecques toy ie ne te renieray point. Semblablement et tous ainsi disoient. Mais sup seul congnoissoit ce qui estoit en l'homme si leur promist indulgence et absolu tiⁿ afin que de leur chelte a aduenir. ne tumabassent en despoir en disant. Certe apres que ie seray resuscite ie vous

precederay et iray deuant vous en galilee transmigration
de mort en vie corporelle quant a moy espirituelle quant a
vous. Pour deus tu conuertens diuificabis me. dist specia
lement a saint pierre. Et quant vne fois tu seras conuert
conferme tes freres. Et comme dit saint iehan il dist les
peulx esleues au ciel. Vere leure est venne clarifie ton filz.
Ainsi comme sil disoit Monstre sire ta misericorde ee don
ne le sauueur du monde. Sire epauce mon oraison et les au
tres beaux motz que dit le prestre Adonc pria pour tous les
esleuz et a salut predestines du temps passe present et adue
nir. Ainsi dit le prestre sire nous te prions et requerons que
tu nous ostes toutes noz iniquites affin que nous puissions
benir a auoir pures et nettes consciences. ad sancta sancto
rum de t a sainte table et autel.

Dramus te domine

Le dit passa le torrent de cedron. ainsi passe le degre le
prestre a venir a lautel et a lentre du iardin laissa
huit de ses apostres et leur dist. Seez vous icy tant com
me ie iray prier Pour ceste oraison sencline le prestre en dis
sant. Sire nous te prions par les merites de tous les saintz
que tous noz peches tu pardonnes pour ce soy eslieue avec
bonne esperance a baisier lautel de gethsemani dalee de gref
se. Car par laballee de humilite a gresse de charite le filz de
dieu a este pour nous en la croix sacrifie

L'introite de la messe.

Apres nostre souuerain prestre ainsi que laissant le peu
ple print son dyacre saint pierre. son soubdiacre saint
laques et son acolite saint iehan. Et les tria a part au
liure de sa sapience a main dextre situe des linstant de sa
conception a plenitude de grace comme dit est. Et leur
commenca a dire et manifester a haulte note lintroite de
ceste piteuse messe en disant ainsi. Tristis est anima

measqz ad mortē. Cest l'introite de la. lxx Circundederat
me dolores mortis. Les douleurs de la mort mont environ
ne. mon ame est triste iusques a la mort intensiuemēt Cest
a dire que est si remplie de douleur que plus ne peult laquel
le durera extēsiuement iusques a la mort Icy commença a
lascher la bride a tristesse paour crainte et douleur iusques
a toucher sensiblement et par experiance sa tendre sensuali
te par le vouloir amour et charite de soy mesmes sacrifiant
pour nous monstrant par effect le desir quil auoit de nous
racheter. Pour le verset leur dist. Soustenes icy et veilles
auecques moy en priant dieu mon pere affin que vous nen
tres en temptation. ainsi satisfaisoit pour noz pechez a tou
te la trinite. De que signifie le gloria patri. Et cest introite
est replique pour satisfacion des pechez presens passez et
aduenir

Comment furent chantes les Iryrieison

Maistre alexandre des halles docteur des docteurs nom
me irrefragable dit q par ce et en ce nous sommes enlu
minez a entendre que non seulement estoit de sire la uene
ment d'ung redēpteur par l'introite Mais aussi est demāde
et requis avec eleuation de coeur et de pensee par l'iryrieisō
qui signifie. Sire ayez pitie et misericorde de nous. et ce dit
par trois fois pour la personne du pere. ppristeison trois
fois pour le filz. et les trois derreniers l'iryrieison pour le
sainct esperit Car l'ung est en l'autre par circoncession en
vnite simpleste et indiuisibilite monstrant en icelle passion
leur liberalitee misericorde pour nous deliurer de la misere
malice et ignorance de coulpe et de peine et nous assoucier
es neuf ordres des angelz

Le gloria in excelsis deo

Icy lō peult cōtempler piteusemēt que ainsi que a la na
tinite de nre redēpteur la multitude de la cheualerie

ceste les benoistz anges louerent dieu chantans: Gloria
in excelsis deo. Orans ce les pasteurs/pateillement voident
l'introite de la messe de nostre sacrifice dit ainsi. Malicieux
commence anuierent aux saintz peres du limbe paiz. Car
ilz estoient garnis de bonne volente qui adonc louerent au
doreet et glorifierent dieu en disant le surplus que saint
hilaire fist

¶ Les trois oraisons

Ainsi vint nre souverain prestre a ses oraisons en leur
disant dominus vobiscum. Dieu doit effect a voz peti
tions et demandes et le chor^e des peres respondit. Et au sp
tuo. Nous soions avecques to esperit. Cobiẽ que plus pro
prement lui appartenoit comme a leuesque des biens a ad
venir a dire Pax vobis. Cest a dire paiz soit avecqs vo^r
Puis se tourna vers oriant a dieu son pere en disant Dom
inus. Prions que nous soyons dignes de si grã miseres
D'banite enfiẽ du bẽt dorgueil considere icy la profode hu
milite du filz de dieu qui demanda ayde pour humanite et
les genoulx flechiz comme sil disoit de fait. Flectamus ge
nua. se prosterna en sa face disant la premiere oraison. Ho
pere sil est possible que sans ma passion tous les biens vien
nent qui par icelle doibuent venir a nature humaine passe
oultre de moy le calice de ceste passion. Toutefois soit fai
cte taboulẽte non m'ye l'appetit de ma sensualite pour laq
le aucuns docteurs apropuent ceste oraison. Et pour le per
dominũ vint a ses disciples et les trouua dormans. Et re
print saint pierre especiallemẽt en disant. Symon tu dors.
Mas tu pas peu dueillẽt vne heure avecqs moy. Dueillez
priez que vous nentrez en temptation. L'espetit est prompt
mais le corps est enserme. Et de rechies sen ala dire la secõ
de oraison que lon apropue pour les apostres en disant ce
mesmes. Fay passer oultre de moy ce calice de mort et pas

sion a mes apostres. Et ainsi que ie le boy vouleu taire met
sans desesperance et sans crainte de la mort ainsi le boynt
et vint de rechief et les trouua dormans. Car leurs peulx
estoiert agraues de tristesse et ne les repunt point et igno-
ropent quilz luy respondroient. Pourtat en la seconde orai-
son n'ya point de per dominum ne ame pour responce/mais
les laissa et retourna dire la troistesme oraison generale
pour tous loyaulx crestiens en ces mesmes parolles. passe
oultre de moy ce calice Cest leffect et fruct de ma passion
a ceulx qui sont predestines et esleuz affin que par la vertu
dy celle acquerent la vie eternelle parquoy a bon droit les
oraisons sot acheuees. per dominu nostru iesum xpistu
par nostre seigneur iesucrist auquel debuons nous conioin-
dre par bonnes oeures meritoites en disant Amen

¶ La lecon ou epistre de la messe

Uoyant dieu le pere son filz afflige en la partie sensiti-
ue de son humanite luy enuoya selon la comune opi-
nion saint gabriel pour soubdiaire qui adonc luy apparut
le confortant et luy dist lespitre comme lettres missiues en-
uoyees de lassus intitule du liure de consolation diuine Et
selon aucuns contemplatifz auoit ung corps humain for-
me tenans deux cedulles l'une a la main senestre ou esto-
ent escriptes de lettre noire tous les pechez des humains et
toutes les peines deues a iceulx en ceste maniere. par ung
homme peche est entre en ce mode et par peche la mort Car
par le delict d'ung homme plusieurs sont mors. Pourtant
par le delict d'ung homme est le iugement en condempnati-
on en tous les humains. En la deuxiesme quil tenoit en sa
dextre y auoit escript en lettre dor. Par plussorte raison la
grace de dieu et le don de grace d'ung homme iesucrist habu-
dera en plusieurs Car se la mort a regne par le delict d'ung
Voult plussort ceulx qui recepuront habondance de grace

De don et de iustice regneront en vie par ung homme iesu
crist pourtant ainsi que par le delict et inobediēce d'ung plu
sieurs sont constitues pecheurs en condempnation de mort
Ainsi par la iustice et obediāce d'ung homme iesucrist plu
sieurs serōt pstitues iustes en iustification de vie Et ces cho
ses leues et entendues le debonnaire et innocent aigneau
fut faict en dure bataille et prioit plus longuement par la
crainte que auoit la sensualite et l'amour que auoit raison
et sa diuinite laquelle chassa crainte si violētement que sa
sueur fut faicte comme gouttes de sang decourant en terre
iusques a quarante sept mille gouttes ainsi que lon a seu
par reuelation diuine ce voiant lucifer le grāt sathanas en
uoya son messagier le traistre iudas pour dire la sienne es
pitre machinee ou liure de prodiciō et traison lequel scauoit
le lieu car souuēt la se trouuoit le doulx iesus avecques ses
disciples et priue de la grace de dieu queroit le lou laide des
chiens mastins iuisz a le prendre et deuorer et venoit accō
paigne de cinq cens gens darmes ainsi que dit papie avec
les ministres des princes et prestres de la loy en grāt arroy
bien armes et garnis de bastōs de deffence avecques grāt
force de lumiere de torches de fallosz et lanternes. Et leur ba
dire lespitre de traison Quicunques ie baisera ce celluy.
tenes le et le menes cautelement affin quil ne leur eschappast
et quilz ne prenissent ung aultre pour luy Car saint laques
le mineur lui sembloit. O combien y en a il en ce monde se
blables a iudas faignans aymer verite et nont loy aultre
dieu ne aux hommes

¶ Le graduel de la messe

Scauant et congnoissant toutes ces choses le piteux ai
gneau qui estoient a aduenir sur luy proceda et se par
tit du lieu ou il auoit ouy lespitre a grant sueur et sen vint
commencer le graduel a voiz piteuse disāt a ses apostres.

Dormes maintenant et vous reposez. **V**ez cy iudas qui ne
dort pas. **S**us leuez vous. **A**llons celui qui me baille ça est
pres. **E**ncore luy parlant **V**ez cy iudas venant deuant les
autres qui approcha de luy et le baisa incontinent en disant
ie te salue maistre. **L**ors luy dist le doulx iesus. **A**my pour
quoy es tu venu. **D**iudas tu trais et baille le filz de la vier
ge p ton baiser **S**i retourna le traistre a ses gens qui estoient
si estonnez quilz ne scauoient quilz debuoiert faire et les soli
citoit a le prendre craignant perdre les trente deniers si vint
auecques ses apostres nostre redempteur a la rencontre de
eulx et leur dist. **L**equel queres vous. **E**t comme l'ons luy
respondirent a voix espouuanteable. **J**esus de nazareth **E**donc
ques il leur dist cest moy. et le traistre iudas estoit auec eux
Lors nostre seigneur monstra sa vertu et puissance diuine a
euader sil eust voulu. **C**ar cheirēt tous a la reuerse tantost
quil eut dit **C**est moy et neussēt peu eulx releuer se la vertu
de la voix qui les auoit abatus ne leur eust rendu leur force
Car voyant quilz nauoyent point perdu leur cruelle bou
lente et que plus estoient despites de stre si vilainement tre
buchez le doulx aigneau sans tache se liura aux loups pour
estre prins iniustement. **P**ourtant cōme se de rechies le ver
set du graduel lequel est que queres vous **E**t ilz dirent iesus
de nazareth **L**ors leur respōdit **J**e vous ay dit que cest moy
Si doncques vous me queres laissez ces icy aller affin que
sa parolle fust accomplie laquelle dit mon pere. **J**e nay per
du quelcunque diceulx que tu mas donne par eternelle pre
destination. **L**ors ainsi que loups ou lions ou chiens entra
ges sur l'aigneau lascherent leurs mains et le tindrent. **S**ait
pierre se doulant de fendre cuidant fendre la teste a malcus
luy trencha l'oreille dextre. mais le bening ihesus restena et
reprint son zele sans sciēce et guarist ladicte oreille. **P**uis
reprint la folie & temerite des prestres des princes de la loy

Des scribes des maistres anciens et phariseans qui auoyent enuoye se prendre de nuit comme chascun iour se trouuaust au temple mais disoit il cest cy vostre heure et puissiez ce de tenebres estre le soleil de iustice adonc le prindrent a lier et si cruellement que le coeur faillit aux apostres et luy laisse senfuirent tous ainsi finist le gradual avec son verset chate par plusieurs en dinet ses voiz

¶ Alluya ou traict de ladicte messe

Le traict contiēt quatre verses qui signifient q le doulx aigneau sans tache a este tourne et vire verse et tire. mene et pelote sus quatre iuges pour nous iustifier. Donc nous le de buons remercier et louer. Pourtant en temps de feste en lieu du traict lon dit pour les deux versetz. alleluya par deux fois. et puis le verset de rechief alla pour le quart Le premier fut ches anne qui estoit pere de la femme de capphe ou il fut piteusement traicte en luy et es siens Car vng adolescent que lon dit communement que cestoit saint iehan vestu de linge blanc a nu le suinoit et le tindrent mais il laissa son linge en leurs mains et sen suit tout nu. et lors courust en bethanie porter les piteuses nouvelles a sa tresdigne mere la tresdoulce vierge marie et reuestu hastiuement et si tost retourna quil entra ches anne avec nostre seigneur car il estoit congneu a la maison. Saint pierre aussi le suivoit de loing iusques a la court et se arresta a luy hors. Adonc saint iehan yssit et le dist a luyssiere. Ainsi mist des dās saint pierre. Et comme il se chauffast en la basse court avec les ministres car encores nestoit pas passe le froyt d'uer vint illec la chambriere et le regarda a la clarte du feu et luy dist Tu estois avecqz iesus de nazareth Et il le nya disant ie ne say et ne congnois ce q tu dicz. et sen yssit hors

deuât la court et le cog chanta pendant ce temps anne en la
haulte sale interrogoit nostre seigneur de ses disciples et de
sa doctrine. a quoy respondit disant **J**ay parle en appert au
monde **J**ay tousiours enseigne en la sinagogue et au tem
ple ou tous les iuisz conuiennent et nay riens parle en se
cret qui ne soit venu a congnoissance pourquoy me interro
gue tu interrogue ceulx qui ont ouy ce que ie leur ay parle.
Ilz scauent ce que iay dit. Lors malcus ingrat de la gariso
de so oreille luy bailla vne cruelle buffe. Mais nostre sei
geur benignement le reprint de sa folie en disant. Se iay mal
dit monstre tesmoignage du mal. et si iay bien dit pour quoy
mas tu frappe. on doit moult penser ceste iniure faicte au
filz de dieu roy des roys seigneur des seigneurs prince des
roys de la terre souverain euesque duquel le pape seulemēt
est vicaire d'ung si vil et peruers garson seruiteur au dyable
qui faisoit plus que on ne luy commendoit. car iamais ne
pourrions asses recongnoistre ce grant benefice que dieu a
tant souffert pour les humains qui ne sōt que limon de ter
re. Pour le second verset le tirerent de la et le menerent che
capphe a grant iniure de luy et des siens. Car selon aucuns
sa tresdoulce mere estoit en iherusalē en la maisō de la mag
dalene et ouyāt le bruit vint avec ses seurs elle et marthe sa
seur apres luy plorantes en icelle nuyt querant son tresame
filz et espoux. Saint pierre entra en la court de capphe.
et vne aultre chamberiere commēca a dire a ceulx qui la es
toient au feu. **D**rayement cestuy cy est vng de ses disciples.
et de rechif en iurant le n'ya disant. Par dieu le viuant ie ne
congneu oncques cest homue. Et bien pou apres comme
par l'interuale d'ung heure l'ung des seruiteurs de l'euesque q
estoit cousin de malcus de q salt pierre auoit trēche l'oreil
le luy dist. ne taige pas veu au iardin avec lui car tu es de
galilee et ilz lui disoient veritablement il est ainsi tu es l'ung

b.ii.

Diceulx car ta langue le demonstre et te manifeste. Adonc
commença a detester iurer et anathematiser en disant. Par
Dieu le Vis i amais ne le congueu ou ie puisse fonder en enfer
et estre dampne comme excommunie. et incontenēt de rechies
le cog chanta. et nostre seigneur se tourna deuers luy et le
regarda. et il recorda la parolle quil luy auoit dicte. Avant
que le cog chante deuy fois tu me renieras trois fois et luy
yssu dehors plora amereēt. pēdāt cecy les princes de la loy
les prestes scribes et anciens. et tout le conseil tenoit le con
uent et conseil de sathanas et queroient faulx tesmoignages
contre luy et nen trouuerent point cōbien q plusieurs faulx
tesmoingz la fussent venus mais leurs tesmoignaiges ne
stoient point conuenables. Dernierement vindrent deuy
faulx tesmoings disans Nous luy auōs ouy dire. Je puis
destruire ce temple materiel fait par operation humaine et
aps trois iours reedifier vng autre non manuel non fait p
operation humaine. ilz puertissoiēt le sens et les parolles par
faulce et mauuaise intencion. Car il auoit dit Vous destrui
res ce temple en parlant de son corps et ie le susciteray au ti
ers iour. et pource que le tesmoignage nestoit point conue
nable capphe tout furieux se leua ou milieu et interroqua
laigneau de dieu. lequel rien ne respondit. Et comme enrage
par impacience le adiura. par dieu le Vis que il dist sil estoit
filz de dieu benoist Lors pour la reuerēce du nom de dieu res
pondit tellement Verite que en tant quil estoit en luy il reti
roit les homicides et selon saint bernard deicides de leur ma
lice par la terreur du final iugement disant. tu las dit ie le
suis. Toutefois dores en ouant Vous verres le filz de la
Vierge seant a la dextre de la Vertu de dieu et venant es nu
es du ciel a son iugement. Lors ainsi que blasphemateur fut
de tous condempne a mort et luy firent oproobres et iniures
innumbrables. Car sadenerable face que les anges desirēt

a veoir fut toute couverte de leurs excreations et gros et pu
ans crachas se bendent et de la sapience divine iouoyent
au chapefol en le frappant de toutes parts ou ilz pouoyent
de colles de buffes du poing & de ce quilz tenoyent en disant
prophetises nous crist qui ta seru. Et aultres plusieurs bla
phemes disoyent contre lui. Celuy moult luy agrauoit sa
douleur car tout redondoit au blapheme de dieu son pere q
lauoit donne au monde et ainsi estoit deshonore. Et sen a
sans dormir les satrapes il demoura entre les mains de leurs
garsonnaille et serueurs qui luy faisoient tous les maux
quilz pouoyent penser sans quelconque repou. Au dieu matin
de rechief vindrent les princes des prestres & anciens du peu
ple tenir leur conseil et luy demanderent Se tu es crist dis
le nous. Affin que ilz le peussent deuant pilate accus et quil
vsurpoit la puissance royalle contre lordonnance de cesar.
Et il leur dist. Se ie vous le dy vous ne me croyres pas. Et
se ie vous interrogue vous ne me responderez pas ne me
laisserez. Mais lors sera le filz de la vierge seant a la dextre
de la vertu de dieu et tous luy dirent. Tu es doncques filz
de dieu. Et tantost quil eut respõdu vous le dictes sescrierent
a haulte voix. Quauons nous plus besoing de tesmoigna
ge. car nous lauons ouy de sa bouche. Adonc pour le tiers
verset toute ceste multitude de malignans se leua et lierent
asprement durement et vilainement laigreur au pur et inno
cent comme vng condempne a mort la corde au col. De quel
le douleur eust a lors sa trespitieuse mere quant en tel estat
premierement le veit avec sa dolente compaignie mener et
tirer violamment ches pilate ou ilz le menoyent Affin que
sans autre enqueste le condempnast a leur vouloir. Bles
toit matin ilz nentrent point au prettoire affin quilz ne
fussent contamines.

Mais quilz mengassent les bis
b.iii.

andes de pasques Pilate adonc yssit hors a eulx a leur dist
Quelle accusation apportez vous contre cest homme. Ilz
luy respondirent et dirent si cestuy n'estoit malefacteur no
ne le te eussions pas baille. Si leur dist lors pilate Dites le
vous et selon vostre loy le iuges. Lors les iuisz luy dirent
Il ne nous est pas licite de tuer aucun affin que la parole
se de ihesus fust accomplie laquelle il dist signifiant de
quelle mort il debuoit mourir. Car les iuisz ne pouoyent
crucifier aucun. Si commencerent a l'accuser en disant.
Nous auons trouue icelluy subuertissant nostre get. et pro
hibant le tribut estre donne a cesar. Et soy disant estre crist
roy. Entra doncques au pretoire pilate et appella le doulx
iesus et luy dist. Tu es roy des iuisz. Iesus luy respondit.
Dis. tu ce de toy mesmes. Du aultres se te ont dit de moy
Pilate luy respondit. Je ne suis pas iuis. Ta gent et
tes euesques te ont baille a moy. Quas tu fait. Ihesus
respondit. Mon royaulme ne est pas de ce monde. Si
de cest monde estoit mon royaulme mes ministres bataill
leroient pour moy. affin que ne fusse baille aux iuisz mais
maintenant mon royaulme nest pas de dessa. Si lui dist
pilate Doncques es tu roy. Respondit ihesus. Tu le dis
Car roy suis ie et en ce ie suis ne. et ad ce suis ie venu en ce
monde pour donner tesmoignage a verite. Et tout ce qui
est de verite par imitation ouayt ma voix. pilate luy dist.
Que est ce que verite car lors elle estoit incongneue par in
credulite Mais il nattendit pas la responce soy hastant de
cuyder le deliurer. Pourtant que il congneut que par enuie
le luy auoient baille. Car de toutes leurs accusations tes
moigna quil ne trouua en luy cause de mort. Et ilz se es
forcoient de l'accuser disant. Il a comueu tout le peuple
de iudee commencat des galilee. Lors quant pilate sceut

que il estoit de galilee pour le quart berfert lenuoya a herode
des tetrarche de galilee qui estoit la venu a la feste de pas-
ques Adonc les iuisz tous furieux a luy le menerent et la
cruellement le traictoient a grant iniure et l'accuserent ob-
stinement a herode lequel ne queroit que ouyr et veoir cho-
ses curieuses et nouvelles Mais en rien ne respondit plus
que ung muet le doulx aigneau Si fust desprise de lui et des
siens et en moquerie le vestirent de ung vestement blanc. et
pour la fin et neusme du berfert le renuoya en lieu de seques-
ce a pilate. **D**uelles alleees venues et reuenues ou chescun
luy faisoit du pis quil pouoit. Sa apres avecques sa doul-
ce mere plourant et gemissant en ayant de sa douleur com-
passion

Euangelie dicel le messe

Euangelie contient pure verite pourtant on dit en com-
mun proverbe il est vray comme leuangelie Selon saint
iehan crisostome Cest maltercable demonstration de ver-
rite appeller ses ennemis a tesmoins. Et combien que
deuant et apres la verite apparaisse que l'aigneau sans tache
est iuste Toutefois icy produirons trois tesmoins a
la continuation de l'histoire. Premier iudas son traystre.
lequel voyant quil estoit condempne meue de penitence instru-
ctueuse raporta les trente deniers aux princes des prestres
et anciens du peuple en disant iay peche en baillant par trai-
son le sang iuste. Verite par tout reluisit dit saint iehan
crisostome le traystre de soy mesmes donne tesmoignaige.
et clost la bouche a ceulx qui l'ont condempne. Car en ce
accuse les princes de la loy qui a sa penitence furent plus que
luy endurez. en luy disant que nous en chault il. Se tu as

fait folie si la prier dont il entra en desespoir et gettes les de
niers au temple sen partit et se pendit et creua par le milieu
si que les entrailles qui auoient conceu la traison cheurent
toutes dispersees. Le second tesmoing fut pilate qui apres
maintes accusations des iuisz aux quelles nostre seigneur
ihesu crist ne respondoit riens tellement quil sen esmerueill
loit moult grandement Leur dist vous voyez deuant vous
que ie say interroguer et ne treuve en luy aucune cause en ce
que vous l'accusez. Ne herodes aussi. Car il nous a ren
uoyez. et rien contre luy nest fait digne de mort. Or auoy
ent acoustume en memoire de leur deliurance de la seruitu
te de pharaon roy de egipte de deliurer tous les ans a la
pasque ung malefacteur. Commencada bondance sur ce
a les prier en leur baillant option de luy ou de barrabas lar
con infame meurdrier et traistre sedicieux cuydant ainsi le
iuste iesus deliurer. Car il sauoit quilz luy auoient baille
par enuie Et pilate se seant en son siege iudicial pour le ti
ers tesmoing luy enuoya dire sa femme nommee procula
Rien nest commun a toy et a celui iuste. Tu nas point
de droit en luy. Car pour luy ay ennuyt plusieurs choses
souffert par vision De pendant les princes des prestres et
anciens du peuple persuadoient au peuple quilz deman
dassent barrabas a deliurance et le doulx iesus a mort. Tel
lemēt q̄ aps maintes contradictions des iuisz crias a hault
et horribles crys que il fust crucifie deffendant pilate a son
pouvoir verite disāt q̄l mal a il fait ie ne treuve en lui cause
quelcūque quant il nen peut plus pour faire fin a leuangle
dist ie suis innocent du sang de cest iuste. Si de buoni dire
a grant desir le tresbon mot que les iuisz dirent a mauuai
se intention que son sang vienne sur nous mais soit en ab
lution en baisant le lince ou la croix par deuotion & amour

Car il nous a le premier ayme et en son precieus sang de
noz pechiez saues

Credo de la messe

Credo chanta a voix haulte et de piteux et vertueux
courage la tresdoulente vierge marie mere de dieu cō
seruant et gardant et conseruant en son coeur toutes ces cho
ses et parolles. Car combien que sesmetueillast moult com
ment cellui qui iamaiz nauoit fait peche estoit en si cruelle
mort liure. Tout effois iamaiz ne perdit sa foy. pose que en
tous les apostres la foy chancela et pource en elle seule chā
ce demoura ce que signifie la chandelle que es tenebres on
reserue en secret alumee toutes les autres estaintes tenant
par foy et croyant fermement que non seulement estoit hō
me iuste mais aussi estoit dieu. iuge iuste fort et patient.
retournant en la lumiere de la foy a dieu le pere par trespis
teuses prieres et requestes pour son chier filz ainsi traicte.
au filz par famillieres complaints au saint esperit par cor
diales douleurs. Dont saint anselme luy dit. Vierge dame
et de bonaire ie ne croy point que par aucun momēt de tēps
tu eusses peu soustenir les esguillons de si grant tourmēt
fors que iceluy esperit de dieu. le sperit de consolation. le sperit
de douceur de ton fiz pour lequel mourant si grandement
estois tourmētee. te confortoit te consoloit dedēs ton ame
qui ne pnoit pas la mort. mais plus tost triumphē en subiu
guant toutes choses a luy. et deliurant le royaume a son
pere en la vie du siecle aduenir.

Coffertoire de ladicte messe.

Maintenāt selon saint iherosme est temps de asperger
le liure de nostre conscience de saig et l'entree de la mai
son de oraison et oindre le coeur et la pensee et enuironner
icelle de la corde de pourpre et la tenir en la main de bonnes
oeures affin que dignement puissions remembier a raconter

ce que reste du sacrifice de la messe de nostre grant et souue-
rain prestre car tout le demourant nest que sang pour tant
se tourne le prestre desirant que dieu soit avecques le peus-
ple Qui respond par amour et charite mutuelle. Ainsi soit
en ton esperit et se retournant dit **Oramus.** cest a dire priés
a dieu Ainsi que se tourna pilate a la turbe des iuisz disant
Voules vous que ie vous laisse le roy des iuisz Et ilz res-
pondirent tous a vne voix Non pas cestuy mais barrabas
Si leur dist que seray ie doncques au roy des iuisz et ilz le
gaignoiēt a crier soit crucifie si sen retourna et cuidant par
aultre voye le deliurer lors le fist prendre et despoiller tout
nu a grant honte. Et selon saint augustin tout estendu a
dens a terre frapoient sur son dos comme sur vne enclume
sans misericorde de fouetz trenchans le hacherent comme
chair a pastes depuis la plante des pies iusques au hault
de la teste le sang courant aual a grans ruyssaulx. Apres
le font lyer tresestroit et tresdurement a la coulomme dont
lune partie est a romme a saint piavede et lautre en lesgli-
se de la montaigne de syon. Et icelluy sacre corps dit saint
iherosme la poicterine capable de dieu fut trachee a tour de
bras et les membres remplis de la diuinite furent tous des-
chires tout entour iusques es os Et le sang en grant ha-
bondence couloit. Ne luy demoura peau entiere Et selon
saint bonaventure eut icy cinq mille quatre cens soixan-
te et quinze playes. Ainsi luy chantoyent soffertoire et se
efforcoyent de le tourmenter et iniurier Vestant de vne robe
de pourpre et marteau vermeil dont anciennement les roys
seulement vsoyent et le couronnerent de vng chapeau de
spines perçantes iusques au cerueau. Luy faisantes mille
poinctures selon saint bernard et saint enselme par quoy
son precieulx sang yssoit a grant habondance de tous cou-
stes et luy bailloyent en sa dexte vng roseau pour sceptre

royal et s'agenouilloient deuant luy en luy crachant au vi-
sage disans dieu te gart roy des iuisz et le buffetoyèt et fra-
poient avecques le rosc au par moquerie et le sang couloit
sus les crachas tant que il estoit horrible a veoir comment
ung laidie tout pourry selon la prophetie de ysaie

Offrende ou offertoire de ladicte messe.

A donc pilate de rechief yssit hors et leur dist Des icy. ie
le vous amaine dehors affin que vous congnoissiez que
en luy nay trouue aucune cause voulant ainsi mitiger leur
fureur Lors issit en ce piteux estat le doulx iesus portant la
couronne des pines et le vestement de pourpre plain de doul-
leur et de opprobre disant pilate Veez icy l'homme ayes pi-
tie de vostre semblable. dit le chancelier de paris maistre
iehan ianson. quant vous voyez le prestre offrir l'ostie et le
calice ou que vous venes a l'offrende vous deuez figurer en
vostre pensee par feruente meditation nostre benoist sau-
ueur en tel estat piteable douloureux et miserable Car cest
tout pour toy poure creature cest le pris de ta redemption Of-
fre lay a dieu pour appaiser son ire contre toy et dy quant
tu le consacres recois ou vois a la messe. Vcy l'homme qui
pour amender mes meffets et pour moy aquiter enuers vo-
us a souffert en tel estat Regarde en la face de iesucrist ton filz
qui pour nous se offre plain de plaies de douleurs et iniures
Sa doulce mere et ses aultres amis offrirent leurs coeurs
par pitie et compassion. mais plusieurs sont semblables a
pilate. Car dit le sage qui offre de la substance des poutres
est comme celui qui immole ou tue le filz en la presence de
son pcre Les indeuostz rescoient aux iuisz felons ne voulans
venir par pitie a l'offrende disans de coeur endurcy oste le oste
le il nous est gref a veoir crucifie le Vort pilate que
en vain auoit laboure leur dist par indignatiō et moquerie

prenez le vous et le crucifiez car ie ne treuve en luy cause.
Mais pour cuidoier cōtēter vostre enragie et obstinatio ie
lay mis en cest estat lors cōme chiē. Deshōtes luy dirent a
hault cry *No^s* auons la loy selon nreloy doit mourir car il
sest fait filz de dieu. adoneques quant pilate eust ouy ceste
parolle eust plus grāt freteur et craignist auoit mis la mai
au filz de dieu si le remena de rechef ou pretoire Dees icy la
platene reportee a lautier

¶ Le lauabo de ladicte messe

Lors demanda pilate au doulx iesus dou es tu. et il ne
luy respōdit riens donc luy dist pilate ne parle tu poit
a moy ne sces tu pas que iay puissance de te crucifier et de
te deliurer. Voies clerement cōment il se condēpne lui mes
mes respondit le doulx iesus tu n'auois point de puissance
en moy aucune sil ne testoit donne de dessus. Et pour ceste
cause querit l'opportunitē pilate a le deliurer mais les felōs
mastins iuisz crioyent a haulte voix horrible Si tu le lais
se sans le condempner tu nes pas amy de cesar. Car qui
cunque se fait roy condredit a cesar. A ses parolles le mise
rable pilat e aveugle d'auarice et d'ambition amena dehors no
stre redēpteur a sa dextre de iniqte pour acomplir leur vou
loit sur le paue appelle licostratos nomme en ebreu gaba
ta ainsi comme vers la piscine a estoit ia passee leur de dix
heures du vendredy et selon aucuns luy enuoierent grant
nombre de pecune Et sis ou siege iudicial commença a resu
mer le proces en disant aux iuisz voy cy vostre roy le quelz
horriblement a vne voix se scroient Oste le oste le nous cru
cifie le. Amort amort amort *D* combien celle clamour strap
poit au coeur du doulx aigne au sans tache nostre seigneur
iesucrist de sa tresdigne mere a de tous ses bons amis Pila
te leur dist crucifieray ie vostre roy respōdirēt a haulte voix
les euesques Nous nauōs roy q cesar et tousiours croissoit

le cry et tumulte du peuple demandant quil fust crucifie.
Pourtant voulant leur satisfaire pilate lava ses mains devant
tous en disant come dit est Je suis innocent du sang et mort
de ce iuste Bien vous en souviengne Mais toute leue de
ce monde ne leust pas lave pour ce le preste se lave le bout
des doigts tant seulement a monstret ainsi quil doit estre net
mesmement des peches Venielz a sa possibilite pour parfaire
le demourant du sacrifice mais les peruers ostines pe-
cheurs ne font compte de leurs grans et enormes peches en
plus que les iuisz qui non seulement se assuiectirent aux ro-
mains qui apres les destruisirent mais aussi au grant dia-
ble disans Son sang soit sur nous et sur nos enfans. dont ius-
ques a maintenant souffrent la peyne ceulx qui demourent
obstines en infidelite

C Le retour Vers Lautier

Lors se tourna linique et peruers pilate a pronocer la sen-
tence contre linnocent iesusaigneau sans tache qui se mist
a genoulx devant luy selon aucuns docteurs contemplati-
fz les mains iointes les yeulx leues a mont en plorant.
Icy court la fontaine de pitie et misericorde ou se doibuent
laver ceulx qui celebrent ou oyent messe et la sentence gettee
contre lui baissa la terre en remerciant dieu son pere. ainsi le
fol et inique president contre tout ordre de iustice laissa aux
iuisz barrabas et leur liura le doulx aigneau de dieu a leur
voulente. ce que iamaiz on ne fait ne a traistre ne a meur-
drier mesmement de ses parens mais leur peine est limitee
affin quil apparaisse quelque misericorde Ce que fust gar-
de aux deux larrons qui furent ainsi condempnez a estre a-
vec luy crucifiez Aisi a este pose laigneau tout innocent aux
loups lyons chiens affames a le traicter cruellement a leur
voulait pourtant ce quilz pouoient penser daffliction de do-
leur de blapheme de mocquerie et dinfamie comme silz neus-

c.i.

sentrien encore faict euiton luy sãs quelcũqz misericorde de
rechef lui faisoient car maistre iehan l'arson dit q̃l̃z le firent re-
battre et vestir de pourpre et recolorner des pines et cõme de-
uãt adorer par mocquerie ce pẽdãt que les sergẽs croiyẽt p
les rucs que chescũ se rendist en la montaigne de caluaire
pour le deoit crucifier et quõ querroit ce qui faillloit et apres
quilz eurent a leur vouloit mocque luy deue firent le pourpre
affin que lo n le congneust et le descouronnerent et luy vesti-
rent ses vestemens et le recouronnerent. Nãque ne scauroit
dire ne coeur penser ne main escrire la douleur et la peine q̃
pour nous endura

¶ Suscipe sancta trinitas

Le filz de dieu eternal se chargea lui mesmes de la croix
et la portant yssit de son bon gre et pure volente sãs
aucũ pourforcemẽt a venir en caluaire. en portãt la croix il
portoit le sceptre de son empire sur ses espauls elle estoit lõ-
gue de quinze piez pesante cens livres et ainsi est courbe et
incline nostre souverain prestre deuãt l'autel de la maieste
diuine portãt noz pechez sur la croix en la chasuble de sa tres
gracieuse humanite en priant la bienheureuse trinite que li
fluence de la plenitude de grace descendãt es bienheures cõ-
prehenseurs s'estende iusques aux viateurs. Bien sup aide
toies si de bon coeur tu portois la croix de penitence apres
sup nompas comme symon citeheus a qui ilz firent faire ce
ste croce pourtant quil estoit si debile quil trembloit tout
et plus ne pouoit faire pas car sa douleur creust si fort quãt
il recontra sa douloureuse mere a l'issue de la cite qui estoit
hastee par le plus court chemi pour soy mettre en lieu pour
le voir a son aise si sentre regardoiẽt piteusement dont le dar-
de douleur perca leurs coeurs en ceste aduersite comme le
dard d'amour les perçoit en prosperite tellement quil appuia
sa croix sus vne pierre de tristesse. et sa douloureuse mere
cheut toute pasmee auquel lieu depuis fut faicte vne esgli

se nommee nostre dame la pasmee. Et ainsi pour haster sa
mort contrainrent ledict symon pere de tuffus et alepan
der disciple de nostre seigneur qui estoit payen venant du vi
lage en la cite porter la croix.

Orate pro me frates

Ace petit arrest se leua nostre grant et souuerain prestre
et baisa lautel de la croix par grant amour et affecti
on puis se tourna aux femmes qui le lamentoyent plai
gnoient et plouroient. Et leur dist. pour **Orate pro me fra**
tres Filles de iherusalem ne deulles pleurer sur moy mais
sur vous mesme et sur voz enfans car cy apres viendront les
iours esquelz lon dira benoistes sont les bichaignes et les
benites qui nont point engendre et les mamelles qui nont
point alacte. Lors commenceront a dire aux montaignes
chees sur nous et aux roches couures nous. Et fut accom
ply la destruction de iherusalem qui fut figure de leur dem
pnation pardurable car si au bois vert ilz font telles choses
au sec qui sera il fait qui parfaictement cecy penseroit pl⁹
dur que pierre seroit sil ne trembloit de paour. Si iustice est
tant dure ou elle iuge ainsi pour remission que sera elle quant
elle iugera par condemnation. plurons doncques et pris
ons dieu car il fault faire penitence cy ou ailleurs

Les secretes

Retourne apres a son chemin a lautier a la montaigne
de caluaire disant ses secretes oraisons iuxte les pre
mieres du lardin.

Le per omnia du preeface de la messe

Et venu au terme et fin de son pelerinage les seors iuifz
luy chaterent le grant poia sur la teste. Oras aias et
menans grant ioyez ses bons amis plouroyent p pitiercōpassi
on icy est cō le meillieu de la messe aisi en caluaire meillieu
de la tte habitable nre redēpteur ouure nre salut affin q la

c.ii.

congnouissance de la foy et merite de la passion fust a tous
vniuersellement equalle. **E**t pourtant les secretes se
finissent a haulte voix. Car combien que le prestre prie
pour soy singulierement. toutesfois il prie pour le peuple mi
nisteriallement demandant leur assentement pourtant lon
respont amen. Ainsi soit il sans faulte car nostre redempteur
est faict a tous a luy obtemperans et obeissans cause de
salut eternel et nul ny prent qui ny met son coeur par foy es
perance et charite deuotion et reuerence pourtant cela dict.
le peuple se lieue Lors sonna la trompette fust crye a haulte
voix qui vouldra veoir iesus de nazareth le faulx prophe
te crucifier si sauance de monter si y mota cēt quatre vings
mille personnes selon maistre francois chimenes patriarche
de iherusalem en son liure des angelz

¶ Le Dominus vobiscum

Que pendant que lon faisoit l'appareil de la crucifixion
fust mis le nostre seigneur en vne chartre que lon mon
stre encores aux pelerins soubz le lieu ou il fut crucifie. **E**t
commence la preface Au premier desire nostre prestre que no
stre seigneur dieu soit avecques nous et on luy respont Et
soit aussi en ton esperit affin que ce nous puisses impetret

¶ Sursum corda

Quis fut tire amont quant tout fut prest en nous emou
uant lassus nos coeurs. Lon respont nous les auons
a dieu telle fois que lon ment et est la plus solempnelle me
songe qui soit en lesglise de dieu. **¶ Gracias agamus.**
¶ La commencent les haultz misteres de nostre redemptio
car saint augustin dit que saint ieroisme trouua par les an
ciens docteurs hebreux que ou lieu ou fust mise la croix de
nostre seigneur fust immole le mouton qui tenoit par les cor
nes aux espines du buisson que immola et sacrifia a dieu
abraham pour isaac. Les cornes des clous es mains et es

pies tindrent le doulx aigneau de dieu couronne des pines
en la croiz & ainsi sacrifice l'humanite demoura la diuinite
en vie eternelle dot le prestre admonnestre a le remercier en
disant rendons graces a dieu Et on luy respond cest chose
digne la chose est iuste car cest nostre seigneur et nous som
mes ses ouailles

¶ Vere dignum et iustum est

Begarde maintenant comment tresctuellemēt on le des
pouille derrenierement et pense que on le descouron
na pcy la seconde fois a grant peine et douleur et pourtant
que les bestemens estoient la glaces & tendes a son precieus
sang si ce ne pouoient les tirer Si vindrent les bourreaux
et a grant violence le despouillerent a rebours tellement q'il
luy renouellerent toutes ses playes a plus grant douleur
que deuant en emportant sang cuir et chair a grans morces
aux ainsi demoura l'aigneau sans tache tout escorche au vēt
que en ses plaies courantes de sang a plain entroit et moult
ce l'affligoit et cuisoit estant tout nu sans draps linge a
grant honte de sa virginite selon saint ambroise Et la tierce
fois selon maistre iehan tarson le recouronnerent du chapeau
des pines lors fut accompli selō saint bernard ce que ysaie dist
que les angelz pleurerēt amèrement voyant leur roy et sou
uerain seigneur en tel estat si doit lon esleuer son coeur a es
couter a grant deuotion le prestre que remply de ioye espi
rituelle pour la responce ouye en flamme de charite chante
a haulte voix. Vraiment digne et iuste chose est de equite
et salutaire que nous rendons tousiours et en chascun lieu
graces a ton saint pere eternel dieu omnipotent dieu par ce
saint sacrifice aigneau sans tache nostre seigneur iesu crist.
Par lequel les anges louent en l'effect de leur reparacion.
et de nostre redempcion ta maieſte les dominations ados

c.iii.

rent ta bonte & les puissances par admiration tremblent et
tremissent ta iustice. les vertus les trosnes cherubins et se
raphins avecques les archanges te louent continuellemēt
chantans adne voix sanctus sanctus. sanctus.

¶ Les sanctus de la messe

Avecques lesquels debuons en grant humilite de coeur
a de bouche les dire frappans noz culpes de originel.
Beniel et mortel peche contre le pere le filz et le saint esperit
Vng seul dieu pere omnipotent de loft. exerceite des anges
en beneissant le filz de dieu qui est venu dont les cieulx et la
terre sont plains de la grace et gloire de dieu Car deuant &
apres on prie par le merite de ceste douloureuse passion que
nous ayons saluacion lassus en paradis

¶ Le commencement du canon de la messe teigitur

Que pendant que le chorus telles louenges chante Nos
stre souuerain prestre abaisse sa voix il nest pas es
cript en leu angile. Mais piteusement selon saint bonauē
ture en ces contemplations on peut croire qui se inclina de
uant lauiel de la croix couchee a terre les mains iointes
en monstrant le desir quil auoit de nostre redemption fai
sant a dieu son pere cordialle oraison. Toy doncques nos
stre pere tresclément. Je te prie supplie et requier que tu ac
ceptes et beneisses ces dons de mon ame. et de mon corps
vnis a la persōne de moy ton filz qui mas liure de trop grā
de charite en ceste croix crucifie. Voies icy la premiere croix
ces largesses que iudas a liuree par son auarice et par trai
son Dees icy la seconde croix ces saints sacrifices sans tas
cheque les iuifs par enuie ont liure par dengance. Dees icy
la tierce croix que le prestre faict au commencement du fait

canon. C'est bien a croire quil baïsa la croix ainsi le pres-
tre en soy leuant baïse lautel disant. recop moy ton arme
filz qui me offre en sacrifice pur sans macule pour le salut
de l'humain lignaige et remission des peches. ia cessent les
sacrifices du viel testament Deez cy le corps de ton filz tout
escorche ia sont passes trente trois ans et ay aeu tousiours
les yeulx de mon ame a ceste croix en la desirant pour sa-
tisfaire a ta iustice elle me plaist et ie l'accepte.

Le memento des vifz

Apres sire memoire de tous les viuantz de vie de grace
finale ce sont les esleus et predestines pour lesquelz
le suis prest et me offre moy et tous mes membres et ma
sainte mere patriarches anges et prophetes apostres mar-
tirs et tous les saints en communication de merites et pri-
eres presens et aduenir

Hanc igitur oblationem.

Ceste donc oblation te prie requier que tu receues pour
seruice agreable de moy et des miens en placacion et
satisfaction de l'offence de l'humain lignage en leur faisant
remission de la coulpe et de la peine due iustement pour
leurs peches a leur donne avecques les anges paradis eter-
nellement.

Quam oblationem tu Deus

Laquelle oblation doulement estedit bras maïs
a piez sur lautel de la croix les yeulx au ciel leues cō-
me dōnant congie aux bourreaux de le crucifier si prindrēt
vne des mains et a grant force et violēce l'atacherent avec
vng gros clou mal forge par le meillieu des nerfz qui la se-
tiroient pour la dōleur. pourquoy lautre main ne pouoit

atoucher au pertuis que deuant auoient fait. Si la tirerēt
auecques cordes si violement que les veines rompirent
Et les ioinctures furent selon aucuns desseutres comme a
deux doigts et ainsi cruellement estendit les bras roides com
me vne corde d'arc tendue ou peau de parchemin sur herse.
Lors fust leue amont selon saint bonaventure et saint ihes
rosme le corps bransāt et sa et la Nicolas delira dit quil fut
tout cloue a terre et que auecques cordes laschees aux esse
les et au dessus des pies l'ung croise sur lautre le trainerēt
tellemēt que ioupte la prophetie du psalmiste dauid on pou
oit nombrer tous ses os ainsi fust demembre laigneau de
dieu au sacrifice a si grant martire que ce fust la plus grāt
doulleur quil ait souffert sans mourir ainsi quil a depuis re
uele et debues noter que celui qui dicelle excessiue doulcur
graces luy rendra aussi agreable seruite luy fera comme sil
oignoit ses playes de precieulx oignement. **¶** Si vous leus
ses deu en tel estat ainsi tomēt eusques a la mort. ie crois
que a tout le moins eusses acue pitie et compassion.

¶ La consecration et leleuation de ladiete messe

Icy legieremēt passe a declarer les secrets de ce pas re
memoratif de cestuy excellent mistere. **¶** Car dist saint
denys que ce n'appartient pas aux anges mais aux homes
diuins a dieu consacres p lordre de prestise qui ont puissan
ce de consacrer son precieux corps en memoire dicelle pas
sion douloureuse souffise doncques tant seulement sauoit
considerer que en foy esperance et charite debuons adorer
dieu createur redempteur et remunerateur entre les mains
du prestre a la leuation ainsi que si no^r le volons des peulx
corporelz en lestat que il fust leue en l'arbre de la croiz.

Lois croissent les plaies des mains et des pies avecques
expressive douleur pour le seis du pois du corps dont couroit
le precieus sang du filz de dieu vne source de la fontayne
de misericorde tout espedu pour no^r et separe dauec le corps
a ce signifier soubz double espee nostre redempteur istituua
le saint sacrement de lautel son corps soubz espee de pain
son sang soubz espee de vin. Combien quil soit soubz vne
chescune celuy toutq se siet a la dextre de dieu son pe en diui
nite ame corps et sang par concomitance car tout est vni et
conionct ensemble inseparablement o combien est malheu
reux qui en soy ou autrement vilipede et deshōnore en fait
en dit ou en pēsee la dignite sacerdotale ou de prestrise adōc
ques deuant quilz esleuassent amont nostre seigneur cruci
fie avecques trois clous sel o la plus commune oppinion p
les trois pmiētes croix que le prestre fait quant il vient a la
consecration et les autres deux signifient la separation du
sang precieus de avecques le corps sacre Et pour les deux
espees consacrer les signe de rechef le prestre du signe de la
croix lune apres lautre Pilate escriptit le tistre et le posa sus
la croix. ce que signifie le prestre couurant le calice de la pa
le. ou corporalier et estoit escript en ebreu grec et latin iesus
de nazareth roy des iuisz ce diuinemēt fut procure selō que
dit raban^r Car il est roy et prestre ensemble. Parquoy en
offrant en lautel de la croix le sacrifice de son humanite ne
pert pas sa roialle dignite mais reluiſt sus la croix en pers
petuelle stabilite. car comme dit saint iherosme cccij faisoit
a la gloire de dieu combien que les iuisz y gnoirassent sa ver
te qui est si grande que les ennemis denfer ne la peuent des
oir souffrir ne ouyr Et est vng singulier remede contre tou
tes temptations mondaines charnelles et dyaboliques Ne
antmoins que pilate le fait en ce moquant des iuisz par venge
gence donc leurs euesques luy ditēt Ne veulles pas escrire

roy des iuisz mais quil a dit ie suis roy des iuisz bouillans
luy imposer arrogance et presumption. Mais pilate se tint
ferme disant Ce que iay escript iay escript. Ainsi auoit este
prophetise par le psalmiste. Ne corrupez pas l'inscription du
criste ainsi leuerent la croix ouuee du filz de dieu et la plan-
terent au rocher qui encore apparoit caue et pour le branle
on peult piteusement croire que tout son sacre corps dectie
re refrappa ala croix dont toutes ses plaies furent renou-
ueles les ionctures desseures et les veines rompues et ses
largissoient les playes. En la consideration de laquelle do-
leur debuons avec amertume de coeur dedier ame a corps
en son saint seruite

Hec quotiens cunqz feceritis

En ceste angosse iudicible yssit vne flamme du feu da-
mour quant il dit pere pardonne leur car ilz ne scauent
quilz font en leur pardonnant de bon coeur. en soy faisant
leur intercesseur et En les excusant en nous enseignant de
fait ce que de parole auoit dict piteux pour voz persecuteurs
donnant boye et opportinite aux pecheurs de soy repeter a
acquiescer pardon de leurs peches. car silz connoissent bien
parfondement combien est grande la maieste du iuge. com-
bien est grande la benignite du pere quilz contempnent et des-
pisent. combien est grande lordure et tache de peche en leur
ame quilz ont souillee et combien grande est la peine den-
fer a iamais durer quilz encoureront par peche mortel iamais
neouldroient soy consentir a peche. Pourquoy bien dist
aristote que tout pecheur est ygnorant. Si debuons bien a-
uoir ce benefice de memoire en scappant noz poitrines deuant
nostre dieu iuge misericordieux pere createur et seigneur re-
dempteur iustificateur sauueur et glorificateur. car a ceste
cause principalement a ce saint sacrement institue disant.
hec quotiens cunqz feceritis. &c. toute fois et quantes ces

choses feres. Vous les feres en memoire de moy.

¶ Vnde et memoires. etc.

A cest cause come pourcez fers rachetes du gibet et des prisons denfer de buoni icy recoignoistre nostre piteux seigneur et pere qui nous a rachetes d'ung si grant puis et le glorifier porter son non et le seruant dame et de corps et de tous nos biens en luy faisant foy et homage par adoration de la trinite qui est deu seulement a dieu que nous tendostout de luy seulement si debuons a l'exemple du pere qui est tout droit assister esleuer nos coeurs et nous presenter par en appliquant nostre memoire entendement et voullente par foy esperance et charite pensans en profonde humilite et deuotion de coeur le greif tourment que lors souffrit quant tout le fais de son precieus corps tenoit seulement es clous qui rompoient et eslargissoient avecques grand violence les playes des mains et des piez dont couloit sang de la fontaine de misericorde a quatre ruisseaux et le cinquiesme issit apres sa mort de son coste par la lance de l'orgais combien que des maintenant les pointures de la couronne des pines refrappee dudit branle a la croiz tiraient tellement le demourant du sang de la teste quelle sembloit d'ung grant ruisseau pourtant fait le prestre cinq croiz en ce pas. Si de buoni avec luy prier de grande affection dieu nostre souverain seigneur nostre pere createur sauveur et redempteur quil luy plaise par sa pitie et misericorde accepter ce sacrifice de son seul filz naturel ainsi quil accepta le sacrifice de abel abraham et melchisedech.

¶ Supplices. etc.

Et pour recompense des iniures moqueries et blaphemes quil souffrit lors pour nous en toute patience le prestre sencline en priant que ce saint sacrifice soit presente par les mains du saint ange a lautel de lassus en la presence

De la diuine maieſte **A**insi nous debuons nous parsondes
ment humilier considerant quil cest humilie obeissant a so
pe iusques a mort inominieuse de la croix en lieu abhomi
nable entre deux larrons tout nu deuant cent quatrevingz
mille personnes dont les passas le blasphemoyent branlas
leurs testes et disant . **B**ath qui destruyes le temple de dieu
et en trois iours le reedifie **S**emblablement les princes des pre
stres avecques les anciens et scribes soy mocquans disoi
ent **I**l sauue les autres et il ne se peult pas sauuer il se co
fie en dieu le deliure sil veult maintenant car il a dit ie suis
filz de dieu sil est roy d'israel descende maintenat de la croix
et nous croytons en luy . **L**es bourreaux cheualiers aussi le
demoquoyent diuisans par entre eulx en quartiers sa coste
et iouerent de sort a qui auroit la robe inconsutible **B**enais a
luy luy offroyent vin aigre a boire mais nen voulut point
boire et luy disoient si tu es roy des iusz sauue toy et nous
donne salut **C**ecy mesmes luy reprochoyent les larrons qui
estoient avec luy crucifies **D**ees icy quatre maniere de ges
ainsi que les quatre cornieres de lautel de la croix . **D**onc no
pouons auoir participation en leuant noz coeurs au sacre
corps et precieus sang de nostre redempteur pour noz pechez
lie batu et decraché **P**ourtant le prestre baise lautel par deu
otion et amour de dieu en lui requerant que par sondict sa
cre corps et precieus sang nous soions temples de toute bo
te et benediction celeste et de sa grace en faisat les trois croix
sur les ses deux especes de pain et de vin et sur soy

¶ Le memento des loyaux trespassez.

A Ceste fournaise du feu damour et de charite enflam
me faict le memeto des loyaux trespassez car incon
tinent que nostre seigneur fut crucifie selon saint iherosme
et saint iehan crisostome les diables sentirent la vertu de

la croix et congneurent que leurs puissances estoient fort
diuines et se mettoiēt a nient et au bas pourquoy labouroy
ent qui descendist de la croix par les blaphemes dessusdictz
Mais luy qui cōgnoissoit leurs machinations persista et
demoura perseueramment en la croix pour les destruire
dont se resiouyssoient les saintes ames du limbe des petres
et de purgatoire attendans leur prochaine deliurance et tien
nent communeement les docteurs modernes que toutes fu
rent deliurees a la venue de lame bien euee de nostre sei
gneur quant elle partit de son corps et descendit es enfers.
pour la nouvelle applicatiō du merite de la passion a elles
et par diuine iustice fut recompensee la duree & longueur en
griefue et dure aspresse de peines et de douleurs lors souffri
rent ainsi que sera faict apres le iour du grant iugement ge
neral en la fin du monde dou nous sommes pres Si est pi
teusement a croire que nostre souuerain prestre faisant son
sacrifice prioit pour elles Pourtant debuons luy prier quil
ait memoire d'elles et que de sa misericorde et bonte infinie
sueille leurs peines relascher et repos eternal en paradis
leur donner.

¶ Nobis quoque peccatoribus.

Desirant le prestre la consommation de lesglise triums
phante de ferueur haulce vng peu sa Voix en disant
Nobis quoqz peccatoribus frappāt sa poitrine representāt
la contrition et confession du bon larron qui en cest article
de la mort et passion de nostre redempteur & sauveur reprit
son compaignon duquel saint lucas dit que l'ung des lar
rons qui pendoit le blaphemoit disant Si tu es crist saulue.
toy mesmes et nous. Et pour concorder les euangelistes ti
ennent les docteurs que par auant tous deuz le bsaphe
moient mais apres conscience reprit le bon larron ensei
gne et instruit de celui qui pendoit en ce lieu au melieudoy
d.i.

ant sa patience et les miracles qui furent lors fais en toute
la machine du monde si se repentit et blasmoit l'autre en di
sant. Et ne crains tu point dieu qui es en ceste dempna
tion. Et confessa sa propre coulpe en disant Et nous cer
tes iustement sommes condempnes Car nous recepuons
choses dignes a noz fais ainsi que lauons desserui. Mais
cestuy na point fait de mal Ainsi preschoit aux assistens lin
nocence de nostre seigneur mais voids q nen faisoient cõpte re
tourna conuenablement a celuy qui doit les coeurs et luy
disoit Sire apes memoire de moy quant tu seras venu en
ton roiaulme. Ainsi debuons cy demender a dieu par foy
esperence et charite en son e temple part portion ou compai
gnie de leur seigneurie en ce glorieux roiaulme de paradis
Nompas par lestimation de noz merites. Mais en nous
faisant misericorde et pardon Et il nous donnera plus que
nous ne demandons ainsi quil luy feist en luy disans. Au
iourduy seras avecques moy en paradis Et ainsi que Vng
Victorieux roy retournant de la bataille pour triumphe me
ne avecques soy les plus notables prisonniers. Ainsi faict
nostre roy souverain Victorieux de lennemy denfer maine
le bon larrõ avecques luy en paradis Et nest pas merueil
les si tant abondamment la doute et enrichy declairant le fait
de sa passion quil souffroit tresamerement pour nostre re
demption et saluation car il luy dist huyt beaux mots de
tresample misericorde les trois premiers amen dico tibi fis
gure les trois croix que faict icy le prestre sur le saint sacre
ment. Hoie mecu eris les trois a lostie sur le calice in para
diso deca le calice

¶ Le per omnia de la patinoestre

Et pource que dabondance de coeur la bouche parle le
prestre rempli dardeur de charite ne se peust contenir

Mais dict a haulte Voix per omnia secula secu. signifiāt la
grant amour que le doulx iesus nostre redempteur auoit
a sa tresdouloureuse mere congnoissant et Voiant sa desol
lation. **D** Bon iesus dit saint bernard tu souffres grant ma
tiere de douleur au dehors. **M**ais moult plus grādes au
dedens a ton coeur par compassion mesmes de la douleur
et angoisse de ta tresdigne mere participante avecques toy
par experience reale. Les apostres dit saint ambroise sen
estoyent foyes la tresloalle mere la vierge marie estoit
iointe la croix toute droicte regardant de ses piteux yeulx
les plaies de son cher filz son dieu son pere son espoux frere
et amy tout son soulas et parfaicte ioye congnoissante que
par sa mort a passion amere il rachettoit tout le monde pie
cieusement comme redempteur et sauveur de noz pource
ames. **B**iens doncques dit saint enseulme avecques ceste
trespiteuse mere et avecques saint iehan a la croix et contē
ple au plus pres que tu pourras la face de ton redempteur
toute couverte de crachas et sang siege enfle e netce toute
desaicte et tout son sacre corps comme celui de ung ladre.
Lors ne pouras demourer la longuement sans plorez par
pitie et compassion quant tu verras les larmes de la mere
de misericorde de laquelle le glaive de douleur tout a trauers
passa lame et ne seras pas sans compassion souspirs et ge
missements oyans le filz dire a sa mere demourant le glo
rieux saint iehan Femme veex cy ton filz. **E**t a saint iehan
veex cy ta mere. **E**n laquelle recommandation selon saint
bernard hugues de saint victor et les autres docteurs nō
seulement elle fust lors baillee a mere au glorieux saint
iehan. **M**ais toute sainte esglise tous les fideles et loys
aux crestiens luy firent recommander comme enfans a
mere car ainsi que nous a este necessaire la mort et passion

de nostre pere ihesus qui ainsi nous a tachez. Aussi fust ne
cessaire ceste recomandation de nostre mere aduocate des pe
cheurs qui nous secourust aidast et pour nous intercedast.
pourtant respondons au prestre amen ainsi soit il parquoy
se monstre estre nostre mere et par elle recoit noz prieres es
cieulx qui pour nous a voulu estre son filz et nostre frere. Et
de present es cieulx nostre pere lors le prestre dit orem⁹. cest
a dire prions nostre seigneur car a ce nous sommes admon
nestes par les commandemens de nostre sauveur et infor
mes par diuine institution tellement que nous osons dire
nostre pere qui es aux cieulx lequel ainsi que dit saint am
broise testa en la croix et fist son ordonnance diuisant offices
de pitie entre sa digne mere et son ayme disciple il ordonna
aussi testament non seulement publicque mais aux dome
stique. Ce testament signa saint iehan digne tesmoing et
notoire de vng si grant testateur bon testament et stille nō
pas de pecune ou chose temporelle mais de la vie eternelle.
Esript veritablement nō pas d'atrament ou aynte mate
rielle mais selon les drois des cheualiers loiaux mourans
en bataille sur l'espee de la croix de son sang precieux avec
ques le doy de dieu le viuant vertueusement escripuāt sept
beaux mots ioupte les sept petitions de la paternostre

¶ Le pater noster de la messe

Le glorieux amy de dieu monseigneur saint bonauen
ture en son breuiogue et compendion theologal tient
que combien que dieu soit tresliberal et plus prest a donner
que ne sommes a demender et prendre toutesfoiz il veult q
nous le prions affin quil treuve en nous disposition en ac
croissement de nostre merite a recepuoir les grans dons et
graces lesquels par sa misericorde nous veult esslargir et do
ner et veult estre prie non seulement par oraison mentale q
est eleuation de coeur en dieu Mais aussi par vocalle qui

est petition de choses decentes et conuenables non seulement
par nous mais aussi par les saints et saintes dignes de p
ler a dieu pour nous qui en sommes indignes Et affin que
ne soyons incertains par ignorance nous a enseigne a prier
quant luy mesmes composa le pater noster et le aprent a ses
disciples Si doit doncques ung chescun bon crestien le sca
uoir et le dire souuent en toute deuotion pour sa dignite bre
uete et utilite . car il comprend vniuersellement tout ce que
debuons demender a salut et pourtant que dieu est iuste et
misericors il ne doit pas exaucer nos prieres forises choses
qui tournent a son honneur et a nostre salut telles sont ces
les qui appartiennent au loyer et remuneration du pais de
paradis et au viatique et refection de la voye chemin et pe
lerinage de ceste vie mortelle pour le premier sont les trois
premiere petitiones qui concernent l'honneur de dieu et le loyer
de paradis cest assauoir congnoissance & intelligēce de diui
ne verite/reuerence a la diuine maieste et cōcorde de humai
ne avecques diuine vouldente En la premiere est vision de
souueraine verite laquelle n'est point veue fors des purs &
nets de coeur et saintes personnes et ce on demande en di
sant soit sanctifie ton nom cest a dire la congnoissance de
ton nom soit donnee aux saints purs et nets de tout peche
Telle estoit la trespure et nette vierge la tresdigne mere de
dieu pourtant ne perdit la foy et congnoissance dussilz de di
eu et du sien stable et perseuerāt iouste la croix si la recon
gneut l'aigneau de dieu comment mere en luy disant le pre
mier mot femme aultresfois quant es nopces elle luy pria
qui suppliait le deffault du vin. apres ne la recoigneut pas a
mere mais luy dist femme ce deffault de vin que appartient
il a moy et a toy car d'elle n'auoit pas prins puissance de fai
re miracles et en ce ne auoient riens commun ensēble mais
selon saint agustin maintenant heez cy leure de laquelle il

parloit quant il disoit mon heure n'est pas encore venue car
il se monstre maintenant quil est homme passible et mortel
et tel le voit et cognoist en pitie et compassion le recongnois
sant a souverain seigneur par la fervante foy quelle avoit
de sa divinite pose que par compassion toutes ses saintes
entrailles estopent commeues dirigeant grace la nature de
femme Pourtant ne luy dist pas mere mais femme affin
que ne aggrauast son cuer de douleur. La seconde est ten
sion et reuerence en la souveraine maistee de dieu Par la
quelle serons roys et aurons le royaume de paradis. Et
se lon demande en disant aduienne ton royaume Ce te
noit en son desir la royne du ciel pourtant luy dist le second
mot. **Ecce.** **Deez** cy ton roy le royaume de dieu est dedens
toy la tierce est la fruition de la souveraine bonte laquelle
nest pas donnee fors a ceulx qui se conforment et concordent
du tout a la volente de dieu et ce len demande en disant.
soit saicte la volente au ciel comme a la terre la tresdigne
vierge tousiours fut conforme a la volente de dieu si que
par son consentement le tira a estre son filz pourtat luy dist
le tiers mot. **Filius.** qui est mot d'amour et d'amitie. Dont
les pilozophes morelz disent q' ung mesmes vouloit et non
vouloit ont les vrais amis. les autres quatre petitions co
seruent la voye le chemin et le pelerinage de ceste vie mor
telle dont la quarte contient tout ce que appartient a la con
seruation de ceste vie presente. soit selon lesperit ou selon le
corps et se lon demande en disant. **Nostre** pain quotidien
donne nous en ce iour tant espirituel que corporel. Ceste
tres apmee dame a este saicte comme la nauire duna mar
chant laquelle a apporte de loing son pain. Cest le doulx
filz de dieu lequel icy la fait sa despenciere a nostre mere en
disant le quart mot. **Tuus.** Si que ung chescun luy peult
dire avecques le psalmiste **D** sire pourtant que ie suis ton

serf. car ie suis rachete et filz de ta chambetiere & ancelle et
ne suis plus digne de estre appele ton filz pour mon mau/
uais gouuernement prodigue say moy comme vng de tes
mercenaires & aloues qui en ta maison habondent en pain
et sont nourrys et sustantes. Les troys dernieres petis
cions sont pour debouter et oster tout mal passe present et
aduenir ioupte les troys mots quil dist a saint iehan son
apostre et euangeliste. La cinquiesme doncques petition
est de remission des peches du temps passe et se lon demande
auecques la balance de misericorde en disant. Pardonne
nous nos peches noz debtes ou maux pfaits ainsi que nous
pardonnons a nos debteurs ou malfaiteurs et pourtant
dit saint iehan. Ecce dees cy l'aigneau de dieu. Vrez cy qui
oste les peches du monde pardonnez doncques. et il vous
sera pardonne. La sixiesme est victoire de temptation Se
lon demande en disant. Ne nous laisse point cheoir en tem/
ptation. Pourtant nous donne ayde confort et esperance
disant le sixiesme mot. Mater. car cest la mere de toute
dilection de congnoissance de crainte de grandeur spiritu/
el et de sainte esperance terrible aux ennemis comme vng
ost de gens d'armes bien ordonne a ses aduersaires. La se/
ptiesme est contre l'oppression des maux a aduenir en di/
sant. mais deliure nous de mal a ce nous pouruent le doulx
iesus quant il dist le septiesme mot. Tua. Ainsi que dit le
pere a l'aisne frere du prodigue. Toutes mes choses sont
tiennes et les tiennes sont miennes disoit il a son pere luy
prianant quil nous preseruast de mal.

¶ Delibera. &c

A cestte oraison soit chascun bon crestien de tout son
coeur attendre. Affin destre participans es grans
d.iiii

biens que on y demande pourtāt le prestre ne la dit pas tou
te mais laisse la derreniere petition laquelle le peuple doit
humblement et deuotement dire. et lors dict le prestre amē
qui signifie que sans faulte et nulle doubte dieu donnera ce
que lon demande piteusement mais que nous ne luy fail
lons pas de conuenant Et ce dit tout bas. Car il nest pas
cōuenable que chascun sache quil est exaulce: affin que no
tenons tousiours en humilite crainte et diligence de labou
rer a nostre saulement. Ainsi en toute paix dicelle heure
la print le disciple en la sienne mere. Aussi ne cessa point no
stre souuerain prestre de tout bas prier et sacrifier pour no
deliurer de tous maulx passes presens et aduenir combien
que on ne le voit point car depuis ceste heure de sixte iusq̃s
a heure de nonne furent faictes tenebres sur la terre vniuer
selle. Affin que nostre deue ne soit vague au dehors. Mais
retourna au dedens du coeur a considerer les choses qui es
toient lors faictes contre le benoist filz de dieu si que noz cō
templations et oraisons soyent plus seruantes et que soy
ons mieulx disposez de recepuoir si grant et hault sacremēt
et a participer le merite de sa mort et passion douloureuse p
lintercessiō de la tresdigne benoiste & glorieuse mere de dieu
marie des benoistz apostres saint pierre et saint pol et saint
andre avec tous les saints. A lexemple du prestre qui avec
la platene se signe de la croix en disant donne moy miseric
cordieusement paix en noz iours en signe que nous sōmes
reconsilies par la croix mort et passion du doulx ihesus et
serons heritiers du royaume des cieux. Car la platene
est ronde signifiant la trinite sans commencement et sans
fin tellement aydes de sa misericorde que nous soyons de
tous peches deliures et de toute perturbation asseures.
Par icelluy nostre doulx seigneur ihc sucrifit qui ce pendant
que estoit en la croix languissant les peines croissoient et

soit saffle bissoit tous les membres tiroient a la mort. Les
genoulx luy ploioient pour le ses du corps et les mains et
les bras pres que rompoient pour tant icy froisse le pres
stre loftie

Dups a haulte voix dist per omnia secula seculi signi
fiant que enuiron heure de none s'escriya a haulte voix
le doulx iesucrist nostre souverain prestre disant. Help help
lamarabatany. Cest a dire mon dieu mon dieu pourquoy
mas tu delaisse ou dit origene. Ne estime pas q le sauveur
dye cecy par enfermete humaine pour la pene quil souffroit
en la croix si ainsi sentes tu ne oiras pas sa grande voix la
laquelle monstre quil ya aucun secret mystere car lors cesse
rent les tenebres et reuint la lumiere. Boulant doncques mo
strer le iuisz demourans en tenebres pour la plus part esto
ient delaissees pour le salut des payens procurer ainsi que sil
disoit quel bien ont fait les payens qui recepurent ma foy
et ma loy crestienne que par mon precieulx sang espendu
sur la terre pour eulx fault que les deliure de la main du
diable sathanas. Quelle recompense feront ilz digne a si
grans douleurs que pour eulx ie endure car il congnoissoit
nostre ingratitude qui plus le greuoit que la peine quil sou
stenoit et pour tant quelconque creature ne pourroit suffisa
ment le remercier ne de lui auoir condigne compassion en
foy mesmes pour les operations fraiz et douleur de passio
tellemēt que ainsi seul delaisse dit par ysaye que tout seul a
fouller et presser la bēdēge et des gēs ny a pas vng seul hō
me avecques luy. Il ne dist pas femme car sa tresdoulou
oureuse mere estoit la pres que morte de douleur pitie et cō
passion laquelle adonc le voioit languissant les yeulx tous
mors les leures toutes mortes la bouche ouuerte la langue
sanglante la chere basse la face enflée et tout le corps asseche

couuert de sang mort: si que le ventre tenoit au dos: sembloit
ne auoir point de entrailles son chief et sa barbe glacez de
sang et ne auoit ou recliner sa teste que le col uance ne pou-
oit plus soustenir. Mais quant elle ouyt ceste parolle en-
tendit quil n'estoit point delaisse par la separation de la di-
uinite mais par subtraction de toute refrigeration et con-
solatio es parties inferiores de lame souffroit douleurs ex-
tremes et souverainement aspres tant pour les lieux des
nerfs que pour sa complexion delicate que pour la maniere
de sa crucifixion qui estoit de excessiue affliction laquelle
il comprenoit clerelement. Car selon Jehan damascene il fut
permis a vnz chescune de ses forces et puissances faire a souf-
frir tout ce quelles pouoient pourtant sa tresdigne mere es-
toit si remplye de douleur et de tristesse en son coeur que il
nest pas possible de explicquer la grandeur si luy debuons
tenir cōpaigner ne no^r moquer pas de nostre redempteur
et sauueur ainsi que faisoient les iuis et les garçons bour-
reaux qui disoient cestuy appelle helpe mais en desiderant
le fait son merite disons de ceste deliction amē elssin que ne
soyōs poit delaissez ne derelēgs. ¶ **P**ardū sit sepe vobiscū
Les trois dernieres parolles que nostre souverain pre-
stre dit a lautel de la croix sōt signifiees par les trois
croix que le prestre fait avec l'hostie sur le calice. Car son
precieulx sang estoit a val espendu tellement que le corps
estoit tout sec a la croix et congnoissant que toutes choses
estotent consummees pour acomplyr l'escripture dit **Sic**o.
Iay sois non pas seulement corporelle mais plus soit espi-
rituelle. desirant nostre soy salut consolation de noz ames
mourir pour nostre reconciliation et pour faire nostre paix
avec nostre seigneur dieu pourtant dit le prestre en faisant
la premiere croix **per dominū**. La croix est lauel de recon-
siliation sus lequel nostre **David** son champion et vic-
torieulx a offert sacrifice tout brusle p^r feu d'amour diuine

pacifiq̃ en reconciliationz dieu est recōsilié aux pecheurs de
la playe dōit deuiours estre punis pour nos peches Sur cest
article demande le Venerable docteur Bede pourtant saint
iehan dit que nostre seigneur prinst le vin aigre car la y auoit
vng baissseau plein de vin aigre et tantost quil eut dit **J**ay
soif courut vng deulx prenant vne esponge et lemplit de ce
vin aigre et lattacha a vne longue canne ou roseau & luy dō
noit a boire et se moquans de luy disoient Attendez Beons
si helpe dienne a le deposer et saint marc dit quil nen print
point et saint mathieu dit quil nen voulut boire **C**ecy fa-
cilement est solu **C**ar il nen print point pour le boire. mais
pour acomply ce que estoit escript & saint iehan crisostome
dit a ce propos que simplement ne different point gouter &
ne boire point pourtant incontinent dist la septiesme para-
bole qui est tout est consumme cest assauoir ce que les prophe-
tes auoient prophetise de la satisfacion ordōnee par la diuine
iustice par ce saint sacrifice en la redemption de nature hu-
maine si que ainsi que peche consume engēdre la mort icelle
satisfacion parfaite et consummee de st cūse peche & engen-
dre vie eternelle par ma mort corporelle tellement que mon
nouueau testament y soit conforme eternellement consum-
mant mes sacrifices a tousiours mais **L**e que signifie le
prestre faisant la seconde croiz disant **S**it semper **S**oit tous-
iours **D** combien seront bien eueurs qui en la croiz de peni-
tēce perseueront iusques a la mort et pourront dire cest fait
& cōsūme pourtāt en figure a l'anciēne loy fust ordōne q̃ la
coue de la beste fust offerte en tous sacrifices qui signifie
consummation de satisfacion **L**ors sathanas fut con-
summe et au bout de son sens **C**ar tous ses dars retournēt
contre luy est chēst et cherra toute la confusion de la ba-
taille quil a esmeue sur sa teste car en luy et en ses membres
est consume la victoire du malignant serpent infernal. **D**
combien est longue la sentence de ce brief mot en quoy tout

ce qui estoit ordonne par le droit de la sainte trinite tout ce
que auoit este promis aux saints peres & figure par les pa
triarches et par les prophetes prophetise tout ce qui est con
tenu en la sainte escripture tout ce qui estoit proffit able et
superhabondant au bien de nostre redemption et tout ce q on
pourroit penser a exprimer en exces d'amour et de charite &
a obtenir triumphe & victoire glorieuse est ainsi merueilleu
semēt consumme ainsi comme sil disoit selon monseigneur
saint bonaventure mon pere iay accompli l'obedience que
tu mas donnee et suis prest a ce que tu voudras comman
der mais tout ce que mas ordonne et que de moy est escript
est consumme parquoy pere de toute misericorde ie supplie
a ta pitie infinie que pour l'amour de moy qui suis tout seul
et unique naturel filz pour la mort que ie souffre si doulou
reuse veuilles reuocquer la sentence laquelle tu as iustement
donnee contre l'humain lignage pour leurs pechez. **Je** te re
quier mon pere trespiteux regarde de tes yeux misericordi
eux sur moy ton filz ainsi contemptiblement ignominieu
sement et douloureusement pendant en ceste croix et octroye
ce que ie demande ex plorant et en criant. **Je** tresdoulx pere
considere les douleurs innombrables lesquelles iay souffert
tes des l'instāt de ma conception iusq̄s a maintenant & me
recoy. **Car** ie viens a toy. Lors le pere eternal luy dist. Biē
tresame filz en qui ay mis mon bon plaisir tu as bien fait
toutes choses ordonnees a la conseruation de l'honneur de
ma iustice tu as accompli mes mandemens pourquoy incli
ne au salut des hōes p tes merites et prieres ie casse anulle
& efface le cirografe & lettre d'obligation du decret et senten
ce q i'auoie donnee contre nature humaine et te exaulce pour
ta reuerēce pdōnant a to^r mes enemis leur offence & veulx
que ta mort precieuse soit la clef de mon paradis et quiconque
voudra y venir entre par la foy et merite de ta passion.

Je ne veulx point que tu souffres plus et accepte ta voulū
te cōme si tousiours souffrois ppetuellement pourtāt le pre
stre dit sic sēper ⁊ lors cōmenca a languir tournāt les yeulx
en la teste en la maniere de ceulx qui meurent maītenāt les
ouurāt puis lesclouāt en inclinant sa teste sa et la cōme en
disāt a dieu a sa tresdigne mere et a ses autres amis q̄ la es
toient les forces luy failloyent les voīnes estoient vuides
tout sō precieus sāg espādu fors aucū peu au dedās es en
traillles q̄ luy tenoiēt le coeur seul entier et frois car il es
toit de tresbonne et forte nature ⁊ tresbiē cōplexionne. Si
sescria a grāde et haulte voīx tellement que cōme dit saint
bonaventure il fut oy iusques aux enfers disāt la .vii. pa
role mō pe en tes mains ie recōmāde mon esperit considere
icy et pense atentiuemēt que cestuy qui est yssu du sein de sō
pere et est venu au mōde cōe le haym de la pescherie du pere
etnel avecq̄s le retz fille ou saigue de abondāte charite iette
en la mer de ce mōde p la diuinite est ramene au riuage du
sein et poitrine du pere plain de tous les predestines ⁊ esleuz
lesq̄lz il cōpriſt ennombria par sa dilatee charite en ceste dou
leur de sa mort avecq̄s to^r leurs merites par actuel ⁊ singu
lier regart et les recōmanda es mains de sō pere et les collo
qua avecques luy en labisme de sa charite ⁊ cela signifie le
prestre en faisāt la tierce croīx en disant Vobiscū Avecques
vous car q̄ se adhere a dieu est vng esperit avecq̄s luy pour
tant dit saint agustin qui ne ſt incorpore au corps de ihesus
crist ne vit point de leſperit de iesucrist En ce grant cry selon
saint hilaire se doloit quil n'emportoit tous les peches pour
tant en charite mutuelle desirant le peuple ce grant bien au
prestre cōme a soy mesme respond. ⁊ soit aussi avecques tō
esperit puis nostre redempteur inclinee sa teste sus sa poitri
ne ainsi comme en disant a dieu a son pere rendit bailla et
enuoya hors sō saint et sacre corps son esperit leq̄l ainsi que

Dit saint Vincent de Vènes ne voulut pas incontinent tout
droit monter au ciel mais de sa grãde humilite voulut des-
cendre aux enfers moult secrettement ce que repñte le prestre
qui en disant tout bas fiat cõmixtio. laisse descẽdre vne pie
de lostie au calice laquelle est tantost abreuee a signifier q
en la descẽte la tressainte ame du doulx iesucrist au libe fu
rent enputees d'amour et de gloire diuine les saintes ames
et celles de purgatoire deliurees cõe dit est et la puissãce des
diables lpee et diminuee or est donc maintenant nostre sa-
crifice en trois parties vne partie demoura en la croix son
saint et trespigne corps lautre partie fut son precieus sang
espandu a terre au pie de la croix. Lautre fut la tressainte
ame comme dit est que signifiẽt les trois parties que le pre-
stre fait de lostie chose merueilleuse et plus penser deuoteĩt
que parler en balbuciant qui pourroit comprendre dit saint
bonaduenture lacerbite aspreste. atrocite et cruaulie de cest
douloureux et trespainet toutment quãt pour la desmesuree
grandeur de travail et de peine quil sẽtoit iusques au bout
de sa puissãce force et vertu humaine hastinẽt fut sepa-
ree sa tressainte ame d'avecques son sacre corps car enco-
re estoit demoure le sang du coeur tout fraiz ou est la fon-
taine de vie comme apres apparut en la lanceation et ainsi
mourut tout plain de vie a trespainet douloureux affliction ce
que declaira par sa grande voix et exclamation a laquelle
tramblerent tous les membres de sa trespiteuse mere et ain-
si que depuis a reuele lui sembloit que en son oreille presẽte
toutes les fois quelle y pensoit en son viuant. Lors sespa-
ma tellement que on cuidit quelle fust trespassee avecques
son filz. Dit icy origenes que grandes choses surẽt faictes
pour tant quil crya si hault cry le bele du temple fut rompu
et diuise de sups le hault iusques au bas. Et toute creatur
re dit saint iherosme aeu compassion ioupte la maniere de

son createur mourant ainsi honteusement. Le soleil perdit
sa larte. La terre trembla. Les pierres fendirent. Mais
les misérables pecheurs humains sont seuz sans compas
sion pour lesquels seulement il a souffert mort et passion.
dont dit saint bernard Qui nest a ceste Voix esmeu de co
punction il est plus pesant que terre. plus dur que pierre.
et plus puant et ort que les monuments qui lors se ouurirent
et rendirent leurs mors lesquels apres la resurrection de no
stre sauveur vindrent en iherusalem et appareurent a plu
sieurs ainsi que tesmoigne leuangle.

¶ Les agnus dei

Lors comme dit theophile sortist son effet ce que nostre
seigneur auoit dit quant ie seray esleue de la terre ie ti
reray toutes choses amoy car il atira le bon lartou lequel
selon saint augustin voyoit comencer les signes dessus dits
et a lui se conuertist. Item le centurion lequel voyant quil
auoit rendu lesperit ainsi criant a haulte Voix glorifia dieu
en disant. Vraiment cestuy homme iuste estoit filz de
dieu et ceulx qui estoient avecques luy deu le mouuement
de la terre craignirent grandement mesmes toute la tour
be et commun peuple qui estoient venus a ceste veue sen re
tournoyent frappant leurs poitrines ce representons en di
sant avecques le prestre trois foyz agnus dei. Au premier
debuons demender en grande contrition disans. Aigneau
de dieu qui as pardonne au bon lartou ayes mercy et mis
ericorde de nous en nous pardonnant noz pechez Au secōd
en grande compassion disans. Aigneau de dieu qui de ta
grace as illumine le centurion ayes pitie et misericorde de
nous en nous donnant grace de bien et souverainement
viure en cestuy monde sans iamais dieu offencer.

Du tiers en seruante deuotion disons aigneau de dieu qui
reconsilia la tourbe donne nous paix de consciense en ce mo
de et en lautre et avecques noz proesmes non seulement de
bouche en monstrant beau seblant mais de coeur si en frap
pons la poitrine en congnoissant avecques douleur nostre
coulpe pour les deffaulx et peches du temps passe

¶ La paix

Nostre sauueur, dit saint augustin inclina sa teste en sa
mort affin de bailler le baiser de paix a ses amis pour
tant se incline le prestre pour la paix et vnion de lesglise de
dieu et comme remply de charite baise lautel de reconcilia
on et puis donne le baiser de paix. Et autant de fois nous
baisons nostre seigneur que nous sommes compresens en so
amour. Cecy fut la cause premiere et principale de sa mort
et passion car il voulut a veult que lon sceust a congneust co
bien dieu aimoit les humains affin que nous par amour re
ciproque nous a luy conuertissos quil veult plus estre ame
que craint

¶ La perception

Selon ale padre des halles quatre choses sont requises
a perfecte manducation et espirituelle a digne com
munion de ce saint sacrement Premier en la lumiere de la
foymastication et diuindication de ce ste viande en conside
rant son effect car cest le pain bis qui donne vie eternelle.

¶ Secondement delectation sauoureuse enconsiderant sa
bonte et infinie liberalite car cest le pain des anges contes
nant toute suauite de douceur spirituelle Tiercement assi
milacion persiliation adoptiue parquoy en profonde reue
rence et petit sentement de soy fault acceder a le recepuoir

¶ Quaratement par incorporation. p vraie charite au corps
mistique de nostre seigneur qui proprement est dicte vnion.

Et ce est fait par amour diuine transformant laimant en
layme tellement que on est tout anichille en soy et en dieu

mue en aultre homme transforme tout diuin ainsi que dit
nostre seigneur a saint augustin ie suis la viande des grâs
non pas selon la reputation du monde mais selon ma repu
tation grans par leffect de ma grace. ie ne suis pas pain a
villains ne a garçons qui ne sceuent ny bien ny honneur
pour le petit sentement qz ont de moy a de leur salut mais
a gens grans par eleuation de pensee qui me maschent par
foy et me goutent par delectation en eleuation de leur espe
rance et me digerent par affectio de charite et ne fault pas
que tu penses que ie soye mue en toy come la viande de ton
corps mais tu seras mue en moy cest en mon corps mistiq
qui est lesglise ainsi que le feu conuertit le charbon en sa si
militude. Si debuons nous embraser icy par ardent de
sir en pensant seruentement en lamour par laquelle il cest
donne en sacrifice par la mort de la croix. et maintenant
en sacrement a lautel pour satisfation de noz peches.
et pour nous donner vie de grace en ce monde et en lautre
de gloire perpetuellement A ce seruent les secretes oraisons
que le prestre dit apres quil a done le baiser de paix incline
par te uerance et humilite car dit leuangile que ses amis a
congneus estoient loing de luy et les fêmes qui sauoient en
suiuy de galilee lesquelles luy ministroient et seruoient. en
tre lesquelles estoit marie magdalene et les deux seurs de
sa tres piteuse mere la vierge Marie qui estoit ioupte la
croix regardant en plourant tendement pendant son tres
chier filz mort en tel estat si debuons estre loing en nostre re
putation par humilite. mais nous aprochier par ferme foy
confidence esperance a seruante charite qui mettent hors tou
te presumption crainte deffiance negligence et in deuotion.
car amour excessiue et impaciente croit et espere toutes cho
ses et essaie mesmement a tepter choses a soy impossibles
comme faisoit selon saint augustin la tresdouloureuse mere
c. l.

laquelle se leuoit sur les pies estendāt ses bras a le toucher
mais ne pouoit et recheoit Si embrassoit la croix et la bais
soit en celle partie qui estoit arrosee de son precieus sang
lequel avecques sa sacree bouche elle touchoit Aussi baisoit
la terre ou estoit espandu tellement que sa face passe et tou
te morte estoit toute vermeille du sang precieus de nostre sei
gneur Le debuons contemp^r et deuotement en communiāt
et receuant le saint sacremēt et en le boyuant cōmunier trans
former en nous toutes ses playes ainsi que se les auōs et
les imprimer en noz coeurs par compassion discourans par
chescune et maintenant en l'une et puis en l'autre et quelles
doulours et combien grandes il souffrit et ainsi soy enflā
mer en son amour en le remerciant pourceant dit saint au
gustin quant on vse le saint sacrement que est ce aultre cho
se fors l'adoration du corps de nostre seigneur & l'effusion
du precieus sang de son coste dextre en quoy ne fault pas
errer car le sang au saint sacrement de l'autel soubs espee
de vin nest pas sang espādu cōe fust a la passio mais est sūg
en vaine vni re alēnt au corps Daultre plus les iuisz pour
l'honneur du samedi iour ensuiuant qui leur estoit la grant
feste de pasques affin que les corps ne demourassent pend^s
es croix prièrent pilate que leurs cuisses froissees fussēt des
pendus vindrent doncques plusieurs gens d'armes qui ain
si le firent auy deux larrons et cōme ilz vindrent a nostre
seigneur iesucrist et trouuassent quil estoit la mort par les
prieres et pitenses supplications de sa tresdouloureuse me
re de saint Iehan de Marie magdaleine et des aultres
ses amis qui la estoient ne luy froisserent pas les cuisses
ioutel a figure de l'agneau pascal dont nostre seigneur a
uoit cōmande p moise ne briser point les os ne casser mais
vng viel gendarme ancien cheualier Lors cruel et orgueil
seux ne faisant compte de leurs pleurs et prieres avecques

Une lance luy ouuert son coste dextre dōt prindrent les sales
sacremens leur commencement. et pourtant dit saint iehan
crisostome quāt tu viens au saint calice viens ainsi feruen
tement ou cōe si tu venois boire a celluy coste ouuert de re
suscit donc fut sermee sainte esglise son espouse Ayres dō
ques dicelle passion piece par amour et par charite et com
passion en toy se croistra a pourtant que l'une bonte l'autre
requiert donne tout ton coeur a luy car il te donne tout le
sien o amour inestimable q̄ tousiours es ardent et iamais
ne estainte o pecheurs ingras venes tous icy de tous co
stes et en voz coeurs receues ces grans et precieus tresors.
reposez vo' au coste dextre de l'arche nō pas de noe mais du
sacre corps de nostre seigneur cest la bouteille toute ouuerte
plaine de drogues aromatiq̄s a medecines salutaires pour
medeciner noz ames pourtant yssit sang et eau et cōe dit sy
mon de cassia premier yssit le sang en mesure determinee a
dieu seul congneue non pas a nous en signe et demōstrāce
de la liberalite de son amour apres leau par hault et mer
ueilleux mistere le s̄g enpris de redēptiō pour la remission
de noz peches et en bevrage pour nō cassasiet a enpurer de
sō amour leau en ablutiō de noz peches et refrigeration de
noz concupiscences et la repression de toute tēptation ce que
fait ce saint sacrement en ceulx qui dignement le receuoiēt
pourtāt le prestre prent au coste dextre avec le calice du vin
et sen laue les dois et puis avecques leau ainsi disēt aucu
nes hystoires q̄ longis sentant la vertu de ces precieuses me
decines de ses dois tains du s̄g de nostre seigneur toucha ses
peulx dōt par auāt ne deoit point ou bien petit a incontinet
fut illumine et se cōuertist et despuis desquit sainctemēt et
mourut martir o combien a celle heure estoit remplie de do
leur sa tresdouloureuse mere veritablemēt dist saint bernard
le glaive de douleur a pce maintenant ton ame car il auoit

e.li.

redu se sperit et son ame nestoit plus a son sacre corps mais
celle de sa trs digne mere nen pouoit estre separee . parquoy
la force et violence de douleur trespassa son ame tellement
que nous la preschons estre plus que martire en laquelle
l'affectiō de compassion a excede le sens de corporelle passi
on. Mais retournons avecques le prestre a lautel et ne o
blions pas la grace de nostre pleige qui a done pour nous
son ame et sō corps a souffrir en tel estat et escoutons ce q
no^r dist deffect et par oeuvre par saint bernard il nest pas
decent congru ne cōuenable que le membre du corps soit de
licat viuāt en delices et le corps se gaudice en volupte soubz
la teste de celuy qui est couronne despines. Je porte dit no
stre seigneur la couronne despines et tu as en ta teste chap
peau de fleurs ou aultres ornemens de Vanite mondaine.
Jay les clous fiches en mes mains et tu as les petis gans
es mains de paour que ne soiēt terniz. tu dances et prins tes
delitz en ornemens precieus et curieus mesmes hōmes et fē
mes aiant chemises fines et delicates viuans en toute vo
lupte a la mienne voulunte tu pensasses commēt avecques
vng vestement blanc ie fus demoque cōe vng fol en la mai
son de herodes tu te reposes de tout bien prenant grant pei
ne en choses de ce monde et iay tant laboure pour toy ius
ques a la mort. es pies cousus a la croix iay aeu pour toy
les bras estendus en la croix et es dances mondaines tu es
stens les bras en maniere de croix en mon obprobre iniure
desrisiō en la croix ay aeu pour tes pechez dōleut angoisse
et tristesse en plorant et criant a haulte voix et toy esdā
ces mondaines tu gaudis chantes et te resiouys par vaine
liesse au dettriment du salut de la pource ame. O homme in
considerere. o femme sans sens ingras dūng si grant benefi
ce. Tu as la poiterine le coste et le coeur ouuert a Vanite la
teste leuee en signe de vaine gloire luxure ou plaisance mō

daine et pour toy ay la teste couronnee des pines baissée la
poitrine toute hachée et le coste iusques au coeur tout ou-
uert avecqes le fer d'une cruelle lance toutesfois retourne toy
a moy veritablement et ie te recepuray ainsi sametoit le roy
al prophete d'auit la mort et depnation d'ung chescun pecheur
en la personne de son filz absalon quant il fut mort en disant he
pource et miserable pecheur q me donnera l'opportunité mou-
rir pour le salut de ta pource ame fault il que tu soyes d'apne
Encore ne nous a pas oublyes car en tes mains nous a de-
scrips Par amour et charite perpetuelle nous a aymes et
pourtant nous a luy ainsi atires de sa mort et passion do-
loureuse debuons auoir pitie et compassion.

¶ Le post communion

Nous serions trop hors du sens et de raison folz et abes-
stis et tardis a croire plains de execrable ingratitude
se de fait de dit et de pensee ne recongnoissions nostre bon
sauueur et redempteur en le remerciant humblement luy
rendant graces et dignes lonenges ioupte nostre possibili-
te en la recongnoissance de ses benefices car de no^r ne pour-
rions soffire. pourtant le chours chante a voix haulte a me-
lodieuse la post commune en signifiant l'acceptable seruiue
du noble seigneur ioseph d'arimathie bon homme et iuste se-
cret disciple de nostre sauueur iesucrist pour la crainte des
iuisz lequel iamais ne s'estoit consenti a leur mauuais con-
seil et iugement attendoit par foy esperance & charite le roy-
aulme de dieu icelluy vint et entra hardiment es es pisate
et luy pria et demanda quil descendist et en sepulturast ou
par luy ou par les siens le sacre corps de nostre sauueur et
redempteur ihesus. et pilate oyant sa requeste se merueilla
loit quil fust ia mort ne considerant pas la trescruelle pay-
ne et ignominieuse que il luy auoit fait si durement souffrir

c. iiii.

et que toute la nuyt n'auoit aeu repos mais travail a tout
ment sans cesser. Lors interroga sil estoit ia mort. et com
me il eust congneu du centurion donna le sacre corps a io
seph et comanda quil luy fust rendu et baille lequel acheta
vng sardoine ou drap de fine toille et sen vint en caluaire.
Vint aussi nichodesme avecques luy qui de nuit premier es
toit venu au doulx iesus portant oignement comme cent li
ures de mieurre et alloes avecques leurs gens qui portoient
les instrumens a ce faire necessaires lesquels selon la contē
plation de saint bonaventure veit de loing la tresdoulou
reuse mere de dieu assise avecques sa compaignie en atten
dant laide de dieu et lors tous se leuerent aiant grant pa
our que se fussent aucuns qui venissent encoir le iniurier et
persecuter. **D**ieu combien est auourd'uy grande leur affli
ction. Et regardant saint iehan ce que c'estoit commença la
post communion en disant benoist soit nostre dieu qui nous
a enuoye ayde car ie congnois la ioseph et nichodesme qui
sont disciples de nostre maistre par ce la piteuse dame ainsi
comme de mort soy releuante. **C**ar son esperit aucun poure
uigour a reprise aucune force et vertu en elle mesmes pour
fuyt apres en disant benoist soit nostre seigneur dieu qui a
aueu memoire de nous et ne nous a pas delaissees. et conue
nuz et assemblez s'agenouillerent les vngs vers les aultres
en plourant si tendrement a chaudes larmes quilz ne pou
oyent dire mot les vngs aux aultres et sembloit que tout
deust demourer. **D**qz chants mais mieulx ie diray plours
et sospira piteux. **S**i leur respond la tresdigne mere de dieu
en disant dieu nostre pere omnipotent vous doit benedicti
on eternelle. **C**ar vous auez bien faict sauoir aeu memo
re de vostre bon maistre qui moult vous a apries. **E**t ie
vous confesse que a vostre venue ma semble veoir nas

quit vne lumiere nouvelle. Nous ne scauons que nous
debatons faire. Nostre dieu plain de misericorde le vous
vueille retribuer eternellement Et eulx de leur coste vont
dire. Nous auons grant deul au cuer des choses qui
contre iustice luy ont este faictes car nous voions bien que
les iniques et pechieux ont supplante le iuste. Nous leussi
ons vouluntiers deliure de si grande iniustice si nous euss
sions peu. A tout le moins nous ferons ce petit seruire
a nostre seigneur et maistre Lors soy leuans se appareille
rent a descendre le diuin corps de nostre seigneur Si debuons
diligentement contempler la facon et maniere Car elle fut
moult piteuse deuote et reuerente. Les vngs montrent
a desclouer la main de pite Les autres la fenestre. Les au
tres au meillieu a soustenir son diuin corps chescun endroit
soy faisant seruire au corps de nostre seigneur. **O** combien
sont telz gens eueux. Lors sefforçoit la tresdigne mere de
dieu de soy tenir sur les piez leuant ses bras pour atoucher
les mains du corps de nostre seigneur qui ia pendoyent a
bal Et quant elle peust tenir la dextre main la baisa moult
reuerentement en grandes larmes et sospirs rememorant
la charite indicible de nostre sauueur et redempteur ihesu
en la redemption de nature humaine. Et les piez des
clouez se descendirent et se mirent ainsi que lon croit piteu
sement en son giron. Et comme dit saint bernard elle tes
nant la teste de luy et les espaules larmes courroient de ses
yeulx cõe deux ruisseaux de fontaine qui arrousoient toute
la face de son cher filz laquelle en sospirs sanglots et gemis
sement nautec du glaue de amour baisoit sans cesser tel
lement quil sembloit quelle deust fondre le corps avecques
lesperit en larmes En tant que il nest pas possible au mon
de de comprendre ne exprimer la douleur et amertume de
cuer que elle auoit. Toutefois elle se contenoit en telle

maniere quel le nauoit point de desespoir Mais piteusement
et iustement se doloit esperant et croiant fermement quil
resusciteroit au tiers iour ainsi que plusieurs fois lauoit dit
ploroit aussi saint iehan assis pres d'elle soustenant le milieu
du corps sur le sindone estendu sur son geton regardant pi-
teusement sans cesser le coste ouuert auquel le soit dauant
sestoit recline pour boire a la sacre fontaine de la sapience di-
uine Et les seurs de la tresdoulce mere de dieu estoient bis
a bis deulx sainte marthe estoit au pres il suffisoit a la glo-
rieuse dame marie magdalene destre aux piees diuins ou el
le auoit obtenu remission de ses peches grace et deuotion et
la resuscitation de son frere le lazare **D** quelle table **D** quel
disner la debuerions venir par meditation sainte et avec
ques pain de larmes mengier cest aigneau de dieu le gous-
ster et digerer comme dit est pour mieulx chanter la post co-
munion et et sans doubter la y auoit grande multitude d'a-
ges comme dit saint bernard qui sont les princes qui ont pre-
ueni pour soy conioindre aux chatia a nostre seigneur lou-
enges ainsi que dit le psalmiste. Lors fut accomplie la pro-
phetie de isaye les anges de paix plorent amerement qui
seroit celui des anges archanges ou principantes tresnes
cherubins ou seraphins qui illec neust plorer boiant q contre
nature lacteur de nature dieu immortel nostre doulx sau-
ueur et redempteur iesus homme mort ainsi estendu en pi-
teux et cruel estat et sa tresdigne mere leur dame et mai-
straesse royne et princesse du ciel et de la terre en telle engois-
se **Je** croy dit il et pourtant ie le dy qui se doloient soy dou-
loit pouoient car comme il fut et a este posside a dieu mou-
rit en nostre humanite prinse pour le salut de humaine na-
ture ains i fut possible lors que les bons anges se doloient
pleignoient et ploient de la mort de leur seigneur dieu pe-
re createur et glorificateur forclose passion sensitive cobien

q̄ en ce ne perdoient pas la loye de leur beatitude mais q̄ p̄
est accidentalemēt leur croissoit considerans que par la pa
role du pere & ordonnāce cest abbeneue son seul filz se q̄l en sō
humanite ainsi prinse pour la restauratiō des esleuz aucū
pou cestoit rendu maindre q̄ eulz parquoy ceste mort inno
minieuse luy seroit courōne de gloire & dhōneur et que ceste
tresdouloureuse mere seroit p̄ sus toutes leurs ordres et cō
paignies en paradys esleuee & q̄ pour ceste redēptiō de l'humai
lignage seroit leur tuine reparee et les diables vaincus Si
deuōs ainsi nous re siouyr en nr̄seignr̄ avec eulz et ad ce
nous admonnester se tourne le prestre en disant 'nostre sei
gneur soit avec q̄s bo' p̄ recordatiō de ce benefice. & p̄ charite
mutuelle et fraternelle on respond de bon desir et soit aussi
en ton esperit.

Les Dernieres oraisōs de la messe.

Retournons encore a l'autel de la croiz avecques le pre
stre disant oremus qui signifie les prieres et supplica
tiōs humbles q̄ faisoient ioseph et nicodemus voiant le soleil recō
ser & q̄ la nuit saprochoit & q̄lz se metoient en dāgier disoient a
saint iehan prions nr̄e dame bonne et sainte maistresse quel
le permette l'ensepueir. Qui pourroit exprimer son oraisō
quelle leur faisoit et a quelle peine difficile et labeur elle
acquiessa a leur requeste et petition car peust elle dire q̄ vou
lez bo' faire vous que ie vous laisse si tost le corps
de mon trescher et aime' filz le petit sen est alle a dieu et en
core me offer le corps mais ie loctroie par la volente de no
nr̄seigneur dieu qui la ainsi ordōne comme dit ysaye q̄ sō
sepulcre sera glorieux. amē ainsi soit il. lors pour le second
oremus priet̄ a tous quilz labourassēt a loindre et pour la
secōde oraison le oignit̄ du mierre et aloues dessusditz en
plourāt sās fin car la tresdouloureuse mere ne se hastoit pas
de son coste ne la glorieuse magdalene qui plouroient lune
a la teste lautre aux pies comme deux fontaines lune de

innocence et l'autre de penitence ainsi pour la tierce oraison
voyant saint iehan que l'heure tardoit pria a la tresdigne
mere de dieu quelle se condescendit et ce pendant ioseph et ni
chodesme firent haster la glorieuse magdalene et du fudo
ne ensepuelirent le saint et sacre corps de nostre seigneur ce
que signifie les diacre et sousdiacre qui ce pedant que le pre
stre dit les derenieres oraisons ilz essuent et enueloppent le
calice et ploient les corporaux. Ainsi par nostre seigneur di
eu se mist la trespiteuse mere de dieu a oindre sa part et ses
seurs et saint iehan luy aydoit tellement que du suaire sen
ueloppa pour amen. Adonc ioseph et nychodesme seueret le
corps diuin de nostre seigneur et le leuees les saintes dames
et saint iehan se prindrent avecques grande reuerance et se
tournerent a le porter au sepulcre lequel estoit en ung iardin
pres de ce lieu tout nouveau auquel n'auoit encore este mis
aucun et que ledict sepulcre estoit taillie en ung roche a este
a la confirmation de la foy de sa resurrexio. Car il n'y
autre yssit du sepulcre tout clos lequel on ne pouoit descher
ou miner par dessoubz. En ce lieu donc le poserent pour
la vigille du sabbat pource que le monument estoit pres ce q
signifie le prestre finies les oraisons se incline ou misse de
l'autel et se tourne vers le peuple en disant nostre seigneur
soit avecques vous ainsi comme en son glorieux sepulcre. et
pourtant que le loyal cristien aidant son frere cristien iour
te le dit du sage est ferme et estable comme une cite son res
pond par charite mutuelle et fraternelle et soit aussi avec
ques son esperit ainsi de bons aider les bons aux autres
car en ce faisant est mettre une grande pierre a luy du mo
nument qui signifie ferme propos en perseuerance de tenir la
foy et la loy ctestienne.

¶ Ice missa est

Antiose prindrent congie ioseph et nychodesme de la tres

digne mere de dieu et saint Jehan se retourna vers eulx
comme le diaire disant. ite missa est caro cristi ostia viva.
alles vous en hardiment puis que la chair et le divin corps
de nostre bon maistre est mis au sepulcre et chescun de nous
vous en remercie et iceulx respondirent. Deo gratias a dieu
en soyent les merces et se inclinèrent vers la tresdigne mere
de dieu en luy disant a dieu et elle requist a dieu sa benedic
tion pour eulx et disant amen sen patirent incontinent car
ilz auoient haste iusq's ala benediction du prestre lon est or
bligé a ouyr la messe de parroisse toute entierement si ne de
uons pas comme les indeuotz incontinent nous en encourt
mais attendre et entendre comme le prestre se retourne et se
incline vers lautel en signifiât que la tresloyalle mere se re
tourna vers le sepulcre enclinee faisant son oraison que il
pleust a toute la sainte trinite accepter ce saint sacrifice et
seul seruire et pardonner par son infinie misericorde aux po
ures pecheurs La estoit marie magdalene et les autres qui
lauoient ensuiuy de galilee soy seantes iouste le spulcre doi
ant le monument et comme estoit mis le corps de nostre
seigneur. Le adiutorion et benediction de la fin de la messe.
Puis demandoit la tresdouloureuse mere a dieu ayde bene
dictio en son nom si doit on croire q'lle eust la benediction de
leuesque son uerain de biens a aduenir et ainsi disant ame
pour amen sen retourna comme le prestre vers lautel de la
croix avecques la sainte compaignie pensant es tourmens
doulours et afflictions que nostre souverain prestre auoit
souffert en ceste trespiteuse messe ainsi de buons faire en voy
ant denestir ou despoiller le prestre en ferme soy quil est
bray dieu et bray homme comme contient leuangel In pu
cipio que nous deuons escouter deuotement Car moult est
profitable contre toutes temptations Et quant vient a ce
pas verbum caro factum est. nous agenouiller et le adorer en le

remerciant de ce benefice car ainsi la tresdigne mere de dieu
adora la premiere croix qui la premiere adora le filz de dieu
quāt desle naquit le iour de noel bray hōe mortel & passible.

Pour l'accomplissement de ceste piteuse contēplatiō pre
nons exēple a nostre tris glorieux pere monseigneur
saint francois qui ne prenoit sa gloire fors en dieu par la
croix de nostre seignr iesucrist par laquelle le monde luy es
toient crucifie et luy au monde Car ce que le monde aime
luy estoit mort ainsi estoit crucifie au monde car la vie quil
menoit desplaisoit aux mondains pquoy a bō droit par sin
gulier preuilege fust ennobly des armes et stigmat de no
stre redempteur car tout son estude tāt publiq que priue es
toit en la croix p continuelle meditacion perfecte imitation
en pitie et compassion et de ses desirs mortification a ceste oc
casion dit saint augustin que toute la vie dun crestien sil vit
selon leu angile nest que croix et martire car deu quil a fallu
ainsi souffrir au filz de dieu pour entrer en la gloire combi
en sont folz dit saint bernard qui sans peine presument as
uoit celle d'aultruy retournons doncques avecques les bes
noistes dames en iherusalem en compassion se nous vou
lōs estre en leur compaignie en gloire de resurrection et vie
eternelle ploions en la secretainerie ou reuestiaire de no
stre coeur les ornemens et armes de la passion de nostre sou
uerain prestre et avecques elles nous retournons souvent
vers le monumēt en rememorāt ce grāt benefice en faisant
en larmes et souspirs noz prieres et oraisons avecques le
prestre ploiant ses ornemens qui en autre signification que
celle de d'auant signifient les armes de la passion. La cha
suble signifie le vestement et manteau de pourpre. La
est la croix dessus les espauls Et aussi la columpne

entre les bras la seinture e signifie les liens dont il fut lye au
iardin le stolle la corde ou chaine que on luy mist au coul
Le fanon les liens dont il fut lie a la columpne et quant il
fut deslye luy demoura vne corde au bras senestre. Laube.
le Vestement blanc par lequel herode se moqua de luy. Lad
mist signifie le voile dont ilz le benderent ches capphe et les
laz pendans. les escourgies ou fouais de quoy il fut batu et
ainsi ton seruice sera agreable a nostre seigneur comme ce
luy des dames qui retournes luy preparerent espiceries et
oignemens et selon le mandement de la loy le samedi se tin
drent a vpos mais les princes des prestres ne firent pas ain
si car en lieu de graces que le prestre dit apres sa messe vin
dient a pilate disans seigneur nous sommes recollans que
celuy seducteur et trompeur encores viuant disoit. Apres
trois iours ie resusciteray. **C**ommande se il te plaist que
soit garde le sepulcre iusques au tiers iour que ses disciples
ne viennent et l'ambulent disans au peuple quil est resuscite
de mort a vie. parquoy a ceste occasion seroit letteur plus
grand a la fin que au commencement **O** mes peres et fre
res de lesglise cristienne seigneurs et dames grans moyes
et petis qui desirez par le merite de la passion douloureuse
de nostre seigneur auoir remission de voz peches la grace di
uine et consecution de gloire eternelle pensez en ses saintz
mysteres singulierement durant la messe non pas par me
ditatiō soubdaine ou superficielle mais en eslongāt vostre
coeur de tout amour mondain et pensee transitoire ou tē
porelle conuertissez vous seruamment et ardamment par
longue demeure tāt que le saint esprit vous die au dedās
de vostre desir ce que leur dist pilate et q dist le prestre quāt
il communie le peuple vous auez la garde des āges de tou
te la court de paradis alles gardes vous comme vous sca
uez en vous gardant des occasions des peches que ilz ne

sembloit cest adire que ne vous fissent perdre la presence de
luy. Et sceilles de ferme foy vostre pensee et de la pierre de
vostre ferme. ppos en metant bonnes gardes cest a scauoir
crainte et amour de dieu au monumēt de voz coeurs et quāt
ainsi le ferez ie vous prie que pour moy veillies puer et pour
ceulz pour lesquels ie suis obligez et trespassez iay espe
rance que nostre seigneur vous en fera loyer icy par grace
et finalement par gloire. par **ADHE M.**

Ccy finit la recollectiō de la trespiteuse passion de no
stre seigneur representee par les saintz et sacres misteres de
la messe preschee deuant le grant maistre de france en sabil
le de laual par ledit beat pere reuerend frere oliuier maille
lard lors estant vicaire general des freres mineurs appels
les de l'obseruance diligemment corrigee ioupte l'intencion
de icelluy pour informatiō de verite. Vous please prier no
stre seigneur aussi pour le salut et intencion du correcteur.
Et imprime a paris par lehan lambert demourant a la cor
ne de dain en la rue saint seuerin et fut acheue le dernier
iour de decembre Mil. CCC. quatre. xx. et treze.

Deo gratias



Justine de la Roche
M. de la Roche
de la Roche

Enluminure de tout le
A Reine





